

司空表聖詩卷第一

河中 司空

圖

表

塞上

萬里隋城在三邊
氣衰沙填孤障角
燒斷故關碑
馬色經寒慘
鷗聲帶晚悲
將軍正閑暇
留客換歌辭

寄永嘉崔道融

旅寓雖難定
乘閑是勝遊
碧雲蕭寺霽
紅樹謝村秋
戍鼓和潮暗
船燈照島幽
詩家多滯此
風景似相留

下方

三十年來往中閒京洛塵倦行今白首歸卧已
清神坡煖冬抽紀事笋松涼夏健人更慚徵詔起
避世即非真

華下

日炙旱雲裂迸為干道血天地沸一鑊竟自烹
妖孽堯湯遇灾數灾數還中輒何事姦與邪古
來難滅

僧舍貽友

笑破人閒事吾徒莫自欺解吟僧亦俗愛舞鶴

終卑竹上題幽夢溪邊約敵棋舊山歸有阻不
是故遲遲

下方

昏旦松軒下怡然對一瓢雨微吟思一作足花落
夢無聊細事當碁遣衰容喜鏡饒溪僧有深趣
書至又相邀一作

華下送文浦

一作涓

郊居謝名利舊史云河北何事最相親漸與論詩久
亂圖寓華陰皆知得句新川明虹照雨樹密鳥衝人應念從
今去還來嶽下頻

自誠

我祖銘座右嘉謀貽厥孫勤此苟不怠今名日
可存媒衞士所恥慈儉道所尊松栢豈不茂桃
李亦自繁衆人皆察察而我獨昏昏取訓於老
氏大辯欲訥言

效陳拾遺子昂感遇二首

高燕飛何捷啄害恣羣雛人豈玩其暴華軒容
爾居強欺自天稟剛吐信吾徒乃知不平者矯
世道終孤
陽和含煦潤卉木競紛華當爲衆所悅私已汝

何誇北里秘穠艷東園鎖名花豪奪乃常理笑
君徒咄嗟

效陳拾遺子昂

醜婦競簪花花多映愈醜鄰女恃其姿掇之不
盈手量已苟自私招損乃誰咎寵祿旣非安於
吾竟何有

感時

好鳥無惡聲仁獸肯狂噬寧教鸚鵡啞不遣麒
麟細人人語與默唯觀利與勢愛毀亦自遭掩
謗終失計

秋思

身病時亦危逢秋多慟哭風波一搖蕩天地幾
翻覆孤螢出荒池落葉穿破屋勢利長草草何
人訪幽獨

蚤春

傷懷同一作仍客處病眼却花朝草嫩侵沙短紀事作長冰
輕着雨消風光知可愛容髮不相饒蚤晚丹丘
去一作伴飛書肯英華作首見招

上陌梯寺懷舊僧二首

雲根禪客居皆說舊無一作吾廬松日明金像山風

一作茗籠嚮木魚依棲應不阻名利本來踈縱有人相

問林閒懶拆書

高鴉隔谷見路轉寺西門塔影蔭泉脉山苗侵
燒痕鍾踈含杳靄一作閣迴亘黃昏更待他僧到
長如前信存

寄懷元秀上人

悠悠干祿利草草廢漁樵身世堪惆悵風騷頓
一作頗寂寥高秋期步野積雨放趨朝得句如相憶
莎齋且見招

次韻和秀上人遊南五臺

中峯曾到處題記沒蒼苔振錫傳深谷翻經想
舊臺危松臨砌偃驚鹿驀溪來內殿御一作評詩切

師以文章應制身迴心未迴

僧圓昉公助蜀僧僖宗幸蜀昉堅免紫衣

天階讓紫衣冷格鶴猶早道勝嫌名出身閑覺

老遲曉一作晚香延宿火寒磬度高枝每說長松寺

他年與我期居長松山

贈信美寺岑上人

巡禮諸方遍湘南頻有緣焚香老山寺乞食向

江舩紗碧籠名畫燈寒照淨禪我來能永日蓮

漏滴寒泉一作塔前

江行二首

地闊分吳塞楓高映楚天曲一作迴塘春盡雨方響

夜深船舊唐書方響音以鐵為之長九寸廣二寸員上方下行紀添新夢羈愁甚往

年何時京洛路馬上見人煙

初程風信好迴望失津樓日帶潮聲晚煙含楚

色秋戍旗當遠客鳥樹轉驚鷗此去非名利孤

帆任白頭

長安贈王注紀事作法

正下搜賢詔多君獨避名客來當意愜花發遇

歌成樂地留高趣權門讓後生東方御閑一作東風駟

閑小園外好同行

贈步寄李員外

危橋轉溪路經雨石叢荒幽瀑下仙果孤巢懸
夕陽病辭青瑣祕心在紫芝房更喜諧招隱詩
家有望郎

寄鄭仁規

清才鄭小戎標的貴遊中萬里雲無侶三山鶴
不籠香和丹地煖晚着綵衣風榮路期經濟唯
應在至公

寄考功王員外

喜聞三字耗閑客是陪遊白鳥閑踈索青山日
滯留琴如高韻稱詩愧逸才酬更免匡君志論
思在獻謀

雜言

鳥飛飛兔蹶蹶朝來暮去驅時節女媧祗解補
青天不解煎膠黏日月

陳疾

自憐旅舍亦酣歌世路無機柰爾何霄漢逼來
心不動鬢毛白盡興猶多殘陽暫照鄉關近遠

鳥因投嶽廟過閑得此身歸未得磬聲深夏隔
煙蘿

浙上

一作江浙上是今鄖陽府地在
秦楚之交故有秦雲楚雨之句

華下支離已隔河又來此地避干戈山田漸廣
猿時鼓吹到村舍新添燕亦多丹桂石楠宜並長
秦雲楚雨暗相和兒童粟熟迷歸路歸得仍隨
牧豎歌

西北鄉關近帝京煙塵一片正傷情愁看地色
連空色靜聽歌聲似哭聲紅蓼滿英華村人不在
青山遶檻路難平從他煙棹更南去休向津頭

問去程

山中

全家與

鼓吹
作為

我戀孤岑蹋得蒼苔一徑深逃難人

多分隙地放生麋

英華
作鹿

大出寒林名應不朽輕仙

一作

骨理到忘機近佛心昨夜前溪驟雷

一作雲
又作風

雨

晚晴閑

一作
獨

步數峯吟

鼓吹作
數溪禽

寄贈詩僧秀公

靈一心傳清塞心可公吟後礎公吟近來雅道
相親少惟仰吾師所得深好句未停無暇日舊
山歸老有東林冷曹孤宦甘寥落多謝攜筇數

訪尋

重陽日訪元秀上人

紅葉黃花秋景寬
醉吟朝夕在樊川
却嫌今日登山俗
且共一作共與高僧對榻眠
別畫長懷吳寺壁
宜茶偏賞雪溪泉
歸來童稚爭相笑
何事無人與酒船

丁未歲歸王官谷

家山牢落戰塵西
疋馬偷歸路已迷
塚上卷旗人簇立
花邊移寨鳥驚啼
本來薄俗輕文字
却致中原動鼓鼙
將取一壺閑日月
長歌深入武

陵溪

書懷

病來猶強引雛行
力上東原欲試耕
幾處馬嘶春麥長
一川人喜雪峯晴
閑知有味心難肯
道貴謀安迹易平
陶令若能兼不飲
無弦琴亦是沽名

退棲

宦遊蕭索為無能
移住中條最上層
得劍乍如添健僕
亡書久似失紀事作憶良朋
燕昭不是空憐馬
支遁何妨亦愛鷹
自此致身繩檢外
肯教世路

日兢兢

五十

閒身事少只題詩
五十今來覺陡衰
清秩偶叨非養望
丹方頻試更堪疑
髭鬚強染三分絃
管遙聽一半悲
漉酒有巾無黍釀
負他黃菊滿東籬

新歲對寫真

得見明時下壽身
須甘歲酒更移巡
生情暗結千重恨
寒勢常欺一半春
文武輕銷丹竈火
市朝偏貴黑頭人
自傷衰颯慵開鏡
擬與兒童別

寫真

華下

籜冠新帶步池塘
逸韻偏宜夏景長
扶起綠荷承蚤露
驚迴白鳥入殘陽
久無書去干時貴
時有僧來自故鄉
不用名山訪真訣
退休便是養生方

重陽山居

詩人自古恨難窮
暮節登臨且喜同
四望交親兵亂後
一川風物笛聲中
菊殘深處迴幽蝶
陂動晴光下蚤鴻
明日更期來此醉
不堪寂寞對

衰翁

爭名

爭名豈在更搜竒不朽纔消一句詩窮辱未甘
英氣阻乖踈還有正人知荷香浥露侵衣潤松
影和風傍枕移只此共栖塵外境無妨亦戀好
文時

光啟四年春戊申

一作歸王
官亥年作

亂後燒殘數架書峯前猶自戀吾廬忘機漸喜
逢人少覽鏡空憐待鶴踈孤嶼池痕春漲滿小
闌花韻午晴初酣歌自適逃名久不必門多長

者車

丁巳重陽

重陽未到已登臨探得黃花且獨斟客舍喜逢
連日雨家山似響隔河砧亂來已失耕桑計病
後休論濟活心已且病焉
安能活人自賀逢時能自棄歸鞭惟
拍馬驪吟

喜王駕小儀重陽相訪

白菊初開卧内明聞君相訪病身輕樽前且撥
傷心事谿上還隨覓句行幽鶴傍人疑舊識殘
蟬向日噪一作噪
日向新晴擬將寂寞同留住且勸康

時立大名

酬張芬赦後見寄

一作司空曙詩

紫鳳朝啣五色書
陽春忽布網羅除
已將心變寒灰後
豈料光生腐草餘
建水風煙收客淚
杜陵花竹夢郊居
勞君故有詩相贈
欲報瓊瑤愧不如

上元日放

一作

嬰網雖皆困
寒籠喜共歸
無心期爾報
相見莫驚飛

中秋

閑吟秋景外
萬事覺悠悠
此夜一作際若無月一年

虛一作空過秋

偶題

水榭花繁處
春晴日午前
鳥窺臨檻鏡
馬過隔墻鞭

閑步

幾處白煙斷
一川紅樹時
壞橋侵轍水
殘照背村碑

春中

伏溜侵堦潤
繁花隔竹香
嬌鶯方曉聽
無事過

南塘

獨望

綠樹連村暗黃花出陌一作稀遠陂春草綠一作猶有水禽飛

雜題

孤枕聞鶯起幽懷獨悄然地融春力潤花泛曉光鮮

漫題三首

亂後他鄉節燒殘故國春自憐垂白首猶伴踏青人

齒落傷情久心驚健忘頻蝸廬經歲客蟻市異

鄉人

幸怕人言謹閑宜酒韻高山林若無慮名利不難逃

河上二首

慘慘日將暮驅羸獨到莊沙痕傍墟落風色入牛羊

新霽田園處夕陽禾黍明沙村平見水深巷有鷗聲

蚤朝

白言空表聖言一日新年好青春上國多街平雙闕近塵起五
雲和

即事二首

茶爽添詩句天清瑩道心只留鶴一隻此外是
空林

御禮徵竒策人心注盛時從來留振滯只待濟
臨危

永夜

永夜疑無日危時只賴山曠懷休戚外孤跡是
非閒

秦關

形勝今雖在荒涼恨不窮虎狼秦國破狐兔漢
陵空

渡江

秋江共僧渡鄉淚滴船回一夜吳船夢家書立
馬開

退居漫題七首

花缺傷難綴鶯喧奈細聽惜春春已晚珍重草
青青

堤柳自綿綿幽人無恨牽只憂詩病發莫寄校

書箋

燕語曾來客花催欲別人莫愁春又過看着又
新春

身外都無事山中久避喧破巢看乳燕留果待
啼猿

詩家通籍美工部與司勳高賈雖難敵微官偶
勝君

弩力省前非人生上壽稀青雲無直道暗室有
危機

燕拙營巢苦魚貪觸網驚豈緣身外事亦似我

勞形

即事九首

宿雨川原霽憑高景物新陂痕侵牧馬雲影帶
耕人

十年深隱地一雨太平心匣澁休看劍窓明復
上琴

明時那棄置多病自遲留踈磬和吟斷殘燈照
卧幽

衰鬢閑生少丹梯望覺危松須依石長鶴不傍
人卑

落葉頻驚鹿連峯欲映鷗此生詩病苦此病更
蕭條

旅思又驚夏庭前長小松遠峯生瑞氣殘月斂
衰容

林鳥頻窺靜家人亦笑慵舊居留穩枕歸卧聽
秋鐘

華宇知難保燒來又却修只應巢燕惜未必主
人留

幽鳥穿籬去鄰翁採藥迴雲從潭底出花向佛
前開

松滋渡二首

步上短亭久看迴官渡船江鄉宜晚霽楚老語
豐年

楚岫積鄉思茫茫歸路迷更堪斑竹驛初聽鷓
鴒啼

華清宮

帝業山河固離宮宴幸頻豈知驅戰馬只是太
平人

牛頭寺

終南最佳處禪誦出青霄羣木澄幽寂踈煙汎

次寥

感時上盧相

兵待皇威振人隨國步安萬方休望幸封岳始
鳴鑾

亂後三首

喪亂家難保艱虞病懶醫空將憂國淚猶擬洒
丹墀

流芳能幾日惆悵又聞蟬行在多新貴幽棲獨
長年

世事嘗艱險僧居慣寂寥美香聞夜合清景見

寅朝

秋景

景物皆難駐傷春復怨秋旋書紅葉落擬畫碧
雲收

避亂

離亂身偶在竄跡任浮沈虎暴荒居迴螢孤黑
夜深

長亭

梅雨和鄉淚終年共洒衣殷勤華表鶴羨爾亦
曾歸

村西杏花二首

薄膩力偏羸
看看愴別時
東風狂不惜
西子病難醫

肌細分紅脉
香濃破紫苞
無因留得玩
爭忍折來拋

獨坐

幽徑入桑麻
塢西逢一家
編籬薪帶蠶
補屋草和花

借居

借住郊園久
仍逢夏景新
綠苔行屐穩
黃鳥傍

窻頰

重陽

菊開猶阻雨
蝶意切於人
亦應知暮節
不比惜殘春

偶書五首

衰謝當何懺
惟應悔壯圖
磬聲花外遠
人影塔前孤

色變鶯雛長
竿齊筴籜垂
白頭身偶在
清夏景還移

蜀畫輕成妙
吳娃狎共織
晚粧留拜月
卷上水

精簾

獨步荒郊暮沈思遠墅幽平生多少事彈指一時休

掩謗知迎吠欺心見強顏有名人易困無契債難還

雜題九首

病來勝未病名縛便忘名今日甘為客當時注愍征

暑濕深山雨荒居破屋燈此生無懣處此去作高僧

同集有注愍征賦迷賦盧
處竹撰

不須頻悵望且喜脫喧囂亦有終焉意陂南看稻苗

樓帶猿吟迴庭容鶴舞寬
睽書因閱畫封藥偶和丹

宴罷論詩久亭高拜表頻
岸香蕃舶月洲色海煙春

驛步堤縈閣軍城鼓振橋
鷗和湖鴈下雪隔嶺梅飄

帶雪南山道和鐘北闕明
太平當共賀開化喝來聲

舴艋猿偷上蜻蜓燕競飛
樵香燒桂子苔濕挂莎衣

溪漲漁家近煙收鳥道高
松花飄可惜睡裏洒離騷

古樂府

一葉隨西風君行亦向東
知妾飛書意無勞待蚤鴻

有感

燈影看鬚黑墻陰惜草青
歲闌悲物我同是冒霜螢

休休亭

且喜安能保那堪病更憂
可憐藜杖者真箇種瓜侯

漫書二首

剩欲逢花折須判冒雨頻
清明開漸少莫怕濕新巾
小蝶爾何競追飛不憚勞
遠教羣雀見寧悟禍梯高

歲盡二首

明日添一歲端憂奈爾何
衝寒出洞口猶校夕

陽多

莫話傷心事投春滿鬢霜殷勤共尊酒今歲只
殘陽

牡丹

得地牡丹盛曉添龍麝香主人猶自惜錦幕護
春霜

亂後

羽書傳棧道風火隔鄉關病眼那堪泣傷心不
到閑

春山

可是武陵溪春芳着處迷花明催曙蚤雲膩惹
空低

樂府

寶馬跋塵光雙馳照路旁喧傳報戚里明日幸
長楊

亂前上盧相

虜黠雖多變兵驕即易乘猶須勞斥候勿遣大
河冰

司空表聖詩卷第一

司空表聖詩卷第二

河中 司空

圖 表聖

有感

國事皆須救未然漢家高閣漫凌煙功臣盡遣
詞人贊不省滄洲畫魯連

歌

處處亭臺只壞墻軍營人學內人粧太平故事
因君唱馬上曾聽隔教坊

偈

人若憎時我亦憎逃名最要是無能後生乞汝

殘風月自作深林不語僧

鷓鴣

不是流鶯獨占春林閒綵翠四時新應知擬上
屏風畫偏坐橫枝亦向人

白菊雜書四首

黃昏寒立更披襟露漑清香悅道心却笑誰家
扃繡戶正薰龍麝暖鴛衾

四面雲屏一帶天是非斷得自脩然此生只是
償詩債白菊開時最不眠

狂才不足自英雄僕妾驅令學販春侯印幾人

封萬戶儂家只辦買孤峯

黃鸝嚙處誰同聽白菊開時且剩過漫道南朝
足流品由來叔寶不宜多

漫題

英華
作歌

經亂年年厭別離歌聲喜一作無似太平時詞臣更
有中興頌磨取蓬峯便作碑

率題

宦路前銜閑不記醉鄉佳境興方濃一林高竹
長遮日四壁寒山更閨冬

礪戶

詞空表聖言三
二
礪戶芳煙接水村亂來歸得道仍存數竿新竹
當軒上不羨侯家立戟門

故鄉杏花

寄花寄酒喜新開左把花枝右把盃欲問花枝
與盃酒故人何得不同來

花下二首

故國春歸未有涯小欄高檻別人家五更惆悵
回孤枕猶自殘燈照落花

關外風昏欲雨天薺花耕倒枕河壩村南寂寞
時回望一雉又鴛鴦下渡船

夢中

幾多親一作新愛在人閒上徹霞一作雲梯會却還須是
蓬瀛長買得一家同占作家山

榜下

三十功名志未伸初將文字競通津春風漫折
一枝桂煙閣英雄笑殺人

涪陽渡

楚田人立帶殘暉驛迥村幽客路微兩岸蘆花
正蕭颯渚煙深處白牛歸

偶作

索得身歸未保閑亂來道在辱來頑留侯萬戶
雖無分病骨應消一片山

寓居有感三首

亦知世路薄忠貞不忍殘年負聖明只待東封
沾慶賜碑陰別刻老臣名
不放殘年却到家銜杯懶更問生涯河堤往往
人相送一曲晴川隔蓼花
黑鬚寄在白鬚生一度秋風減幾莖客處不堪
頻送別無多情緒更傷情

淮西

鼇冠三山安海浪龍盤九鼎鎮皇都莫誇十萬
兵威盛消箇忠良効順無

河湟有感

一自蕭關起戰塵河湟隔斷異鄉春漢兒盡作
胡兒語却向城頭罵漢人

自邛鄉北歸

巴煙冪冪久縈恨楚柳綿綿今送歸回避江邊
同去鴈莫教驚起錯南飛

青龍師安上人

灾曜偏臨許國人雨中衰菊病中身清香一炷

知師意應爲昭陵惜老臣

山中

凡鳥愛喧人靜處閑雲似妬月明時世間萬事
非吾事只愧秋來未有詩

有感二首

自古經綸足是非陰謀最忌奪天機留侯却粒
商翁去甲第何人意氣歸
古來賢俊共悲辛長是豪家據要津從此當歌
唯痛飲不須經世爲閑人

閑夜二首

道侶難留爲虐碁鄰家閒說厭吟詩前峯月照
分明見夜合香中露卧時
此身閑得易爲家業是吟詩與看花若使他生
拋筆硯更應無事老煙霞

雨中

維摩居士陶居士盡說高情未足誇簷外蓮峯
堦下菊碧蓮黃菊是吾家

送道者二首

洞天真侶昔曾逢西嶽今居第幾峯峯頂他時
教我認相招須把碧芙蓉

殷勤不爲學燒金道侶惟應識此心
雪裏千山訪君易微微鹿迹入深林

重陽阻雨

重陽阻雨獨銜杯移得家山菊未開
猶勝登高閑望斷孤煙殘照馬嘶回

省試

粉闥深鎖唱同人正是終南雪霽春
閑繫長安千匹馬今朝似減六街塵

有贈

有詩有酒有高歌春色年年奈我何
試問羲和有

能駐否不勞頻借魯陽戈

證因亭

峯北幽亭願證因他生此地却容身
上方僧在時應到笑認前銜記寫真

頃年陪恩地赴甘棠之召感動留題

去時憔悴青衿在歸路淒涼絳帳空
無限酬恩心未展又將孤劍別從公

九月八日

已是人間寂寞花解憐寂寞傍貧家
老來不得登高看更甚殘春惜歲華

敷溪橋院有感

昔歲攀遊景物同
藥爐今在鶴歸空
青山滿眼淚堪碧
絳帳無人花自紅

寺閣

昔歲登臨未衰颯
不知何事愛傷情
今來攬鏡翻堪喜
亂後霜鬚長幾莖

武陵路

橘岸舟閑罾網掛
茶坡日暖鷓鴣啼
女郎指點行人笑
知向花開路已迷

南北史感遇十首

雨淋麟閣名臣畫
雪卧龍庭猛將碑
不用黃金鑄侯印
盡輸公子買蛾眉

漢世頻封萬戶侯
雲臺空峻謝風流
江南不有名儒相
齒冷中原笑未休

天風幹海怒長鯨
永固南來百萬兵
若向滄洲猶笑傲
江山虛有石頭城

花迷公子玉樓恩
鏡弄佳人紅粉春
不信關山勞遠戍
綺羅香外任行塵

兵圍梁殿金甌破
火發陳宮玉樹摧
姦佞豈能慚誤國
空令懷古更裴徊

行樂最宜連夜景
太平方覺有春風
千金盡把
酬歌舞猶勝
三邊賞戰功

桃芳李豔年年發
羌管蠻弦處處多
海上應無
三島路人閒
惟有一聲歌

佳人自折一枝紅
把唱新詞曲未終
惟向眼前
憐易落不如拋
擲任春風

景陽樓下花鈿鏡
玄武湖邊錦繡旗
昔日繁華
今日恨雉媒
聲晚草芳時

亂後人閒盡不平
秦川花木最傷情
無窮紅豔
紅塵裏驟馬
分香散入營

狂題二首

草堂舊隱猶招我
煙閣英才不見君
惆悵故山
歸未得酒狂
叫斷一作暮天雲

須知世亂身難保
莫喜天晴菊併開
長短此身
長是客黃花
更助白頭催

紅茶花

景物詩人見即誇
豈憐高韻說紅茶
牡丹柱用
三春力開得
方知不是花

秋燕

從撲香塵拂面飛
憐渠只爲解相依
經冬好近

深爐暖何必千巖萬水歸

見後鴈有感

笑爾窮通亦似人高飛偶滯莫悲辛却緣風雪
頻相阻只向關中待得春

移桃栽

獨臨官路易傷摧從遣春風恣意開禪客笑移
山上看流鶯直到檻前來

憶中條

燕辭旅舍人空在螢出踈籬菊正芳堪恨昔年
聯句地念經僧掃過重陽

樂府

五更窻下簇粧臺已怕堂前阿母催滿鴨香薰
鸚鵡睡隔簾燈照牡丹開

放龜二首

却爲多知自不靈今朝教一作放汝卜長生若求深
處無深處只有依人會有情

世外猶迷不死庭人間莫恃自無營本期滄海
堪投迹却向朱門待放生

燈花三首

蜀柳絲絲罨幕晝樓窓塵滿鏡不梳頭幾時金一作歸

鴈傳歸信剪斷香魂一縷愁
姊姊教人且抱兒逐他女伴卸頭遲明朝聞草
多應喜剪得燈花自掃眉
閨前小雪過經旬猶自依依向主人開盡菊花
憐強舞與教弟子待新春

偶題三首

浮世悠悠旋一空多情偏解挫英雄風光只在
歌聲裏不必樓前萬樹紅
小池隨事有風荷燒酎傾壺一曲歌欲待秋塘
擎露看自憐生意已無多

遼陽音信近來稀縱有虛傳逼節歸永日無人
新睡覺小窻晴暖蛸蟲飛

華下對菊

清香裛露對高齋泛酒偏能澣旅懷不是春風
逞紅豔鏡前空墜玉人釵

與都統參謀書有感

驚鷺逆鷺盡歸林弱羽低垂分獨沈帶病深山
猶草檄昭陵應識老臣心

漫題

無宦無名拘逸興有歌有酒任他鄉看看萬里

休征戍莫向新詞寄斷腸

商山二首

清溪一路照羸身不似雲臺畫像人國史數行
猶有志只將談笑繼英塵

馬上搜奇已數篇籍中猶愧是頑仙關頭傳說
開元事指點多疑孟浩然

與伏牛長老偈二首

不算菩提與闍提惟應執着便生迷無端指箇
清涼地凍殺胡僧雪嶺西

長繩不見繫空虛半偈傳心亦未踈推倒我山

無一事莫將文字縛真如

客中重九

楚老相逢淚滿衣片名薄宦已知非他鄉不似
人間路應共東流更不歸

柳二首

誰家案舞傍池塘已見繁枝嫩眼黃漫說蚤梅
先得意不知春力暗分張

似擬凌寒妬蚤梅無端弄色傍高臺折來未有
新枝長莫遣佳人更折來

光啟丁未別山

光啟僖
宗年號

草堂琴畫已判燒猶託鄰僧護燕巢此去不緣
名利去若逢逋客莫相嘲

石楠

客處偷閑未是閑石楠雖好懶頻攀如何風葉
西歸路吹斷寒雲見故山

力疾馬上走筆

釀黍長添不盡杯只憂花盡客空回垂楊且爲
晴遮日留遇重陽即放開

華陰縣樓

丹青能有幾層梯懶更揚鞭聳翠蜺偶凭危欄

樓

且南望不勞高掌欲相攜

南至四首

今冬臘後無殘日故國燒來有幾家却恨蚤梅
添旅思強偷春力報年華

花時不是偏愁我好事應難總取他已被詩魔
長役思眼中莫厭蚤梅多

年華亂後偏堪惜世路拋來已自生猶有玉真
長命縷罇前時唱緩羈情

一任喧闐遶四鄰閑忙皆是自由身人來客去
還須議莫遣他人作主人

蓮峯前軒

人間上壽若能添只向人間也不嫌
看着四鄰花競發高樓從此莫垂簾

步虛

一本題下有詞字

阿母親教學步虛三元長遣下蓬壺
雲韶韻俗停瑤瑟鸞鶴飛低拂寶爐

劍器

樓下公孫昔擅場空教女子愛軍裝
潼關一敗吳兒喜簇馬驪山看御湯

乙丑人日

自怪扶持七十身歸來又見故鄉春
今朝人日逢人喜不料偷生作老人

攜仙錄九首

嶽北秋空渭北川晴雲漸薄薄如煙
坐來還見微風起吹散殘陽一片蟬

一半晴空一半雲遠籠仙掌日初曛
洞天有路不知處絕頂異香難更聞

決事還須更事酬清譚妙理一時休
漁翁亦被機心誤眼暗汀邊結釣鉤

迹不趨時分不侯功名身外最悠悠
聽君總畫

麒麟閣還我閒眠舴艋舟

仙凡路阻兩難留煙樹人間一片秋若道陰功能濟活且將方寸自焚修

若有陰功救未然玉皇品籍亦搜賢應知譚笑還高謝別就滄洲贊上仙

英名何用苦搜竒不朽才銷一句詩却賴風波

阻三島老臣猶得戀明時

廷向与爭名一首同

剪取紅雲剝寫詩年年高會趁花時水精樓閣分明見只欠霞漿別着旗

此生得作太平人只向塵中便出塵移取碧桃

花萬樹年年自樂故鄉春

浪淘沙

不必長漂玉洞花曲中偏愛浪淘沙黃河却勝天河水萬里縈紆入漢家

贈日東鑒禪師

故國無心度一作渡海潮老禪方丈倚中條夜深雨

絕松堂靜一點飛一作山螢照寂寥

暮春對柳二首

縈愁惹恨柰楊花閉戶垂簾亦滿家惱得閑人作酒病剛須又撲越溪茶

洞中猶說看桃花輕絮狂飛自俗家正是階前
開遠信小娥旋拂碾新茶

戊午三月晦二首

隨風逐浪劇蓬萍圓首何曾解最靈筆硯近來
多自棄不關妖氣暗文星

牛誇碁品無勅敵謝占詩家作上流豈似小敷
春水漲年年鸞鶴待仙舟

偶書五首

情知了得未如僧客處高樓莫強登鶯也解啼
花也發不關心事最堪憎

自有池荷作扇搖不關風動愛芭蕉只憐直上
抽紅蘂似我丹心向本朝

曾看輕舟渡遠津無風着岸不經旬只緣命蹇
須知命却是人爭阻得人

上谷何曾解有情有情人自惜君行證因池上
今生願的的他生作化生

新店南原後夜程黃河風浪信難平渡頭楊柳
知人意爲惹官船莫放行

喜山鵲初歸三首

翠衿紅背便知機久避重羅穩處飛只爲從來

偏護惜窻前今賀主人歸
山中只是惜珍禽語不分明識爾心若使解言
天下事燕臺今築幾千金
阻他羅網到柴扉不柰偷倉雀轉肥賴爾林塘
添景趣剩留山果引教歸

虞鄉北原

澤北村貧煙火癯稚田冬旱倩牛耕老人惆悵
逢人訴開盡黃花麥未金

洛中三首

秋風團扇未收憑心笑看粧臺落葉侵繡鳳不教

金縷暗青樓何處有寒砧

不用頻嗟世路難浮生各自繫悲歡風霜一夜
添羈思羅綺誰家待蚤寒

燕巢空後誰相伴鴛被縫來不忍薰薄命敢辭
長滴淚倡家未必肯留君

寓筆

年年鑷鬢到花飄依舊花繁鬢易凋撩亂一場
人更恨春風誰道勝輕颺

戲題試衫

朝班盡說人宜紫洞府應無鶴着緋從此玉皇

須破例染霞裁賜地仙衣

汴柳半枯因悲柳中隱

行人莫歎前朝樹已占河堤幾百春惆悵題詩
柳中隱柳衰猶在自無身

上方

花落更同悲木落鶯聲相續即蟬聲榮枯了得
無多事只是閑人漫繫情

寄王贊學

黃卷不關兼濟業青山自保老閑身一行萬里
纖塵靜可要張儀更入秦

新節

轉悲新歲重於山不似輕鷗肯復還朱紱縱教
金印換青雲未勝白頭閑

自河西歸山二首

一水悠悠一葉危往來長恨阻歸期鄉關不是
無華表自為多驚獨上遲

水闊風驚去路危孤舟欲上更遲遲鶴羣長擾

三珠樹

三海經曰在厭火國北生赤水上樹上有福葉皆為珠

不借人間一隻騎

王官二首

風荷似醉和花舞沙鳥無情伴客閑總是此中

皆有恨更堪微雨半遮山

荷塘煙罩小齋虛景物皆宜入畫圖盡日無人
只高卧一雙白鳥隔紗幬

賀翰林侍郎二首

太白東歸鶴背吟鏡湖空在酒船沈今朝忽見
銀臺事蚤晚重徵入翰林

玉版徵書洞裏看沈羲新拜侍郎官文星喜氣
連台曜聖主方知四海安

寄王十四舍人

幾年汶上約同遊擬爲蓮峯別置樓今日鳳凰

池畔客五千仞雪不回頭

綸閣有感

風濤曾阻化鱗來誰料蓬瀛路却開欲去遲遲
還自笑狂才應不是仙才

寄薛起居

小城一作城新役一作賀聖朝亦知蹇分巧難拋麤才
自合無岐路不破工夫漫解嘲

司空表聖詩卷第二

自合無如怨不怨工夫豈難磨

小如一作滌舜一作寶聖博亦吟寒令一作鑿一作龜木

寄韓退公

還自笑珥木熟不長山木

風霽曾聞少雜來錯採蒼藤一作桂一作開一作浴一作去一作數一作數

餘閣育恩

此細客正干一作雪不回一作更

司空表聖詩卷第三

河中 司空

圖 表聖

狂題一十八首

莫恨艱危日日多時情其奈倖門何
貌貅睡穩蛟龍渴猶把燒殘朽鐵磨

別鶴淒涼指法存戴逵能恥近王門
世閒第一風流事借得王公玉枕痕

交踈自古戒言深肝膽徒傾致鑠金
不是史遷書與說誰知孤負李陵心

南華落筆似荒唐若肯經綸亦不狂
偶作客星

侵帝座却應虛薄是嚴光

不勞世路更相猜忍到須休惜得材幾度懶乘
風水便拗船折舵恐難回

由來相愛只詩僧怪石長松自得朋却怕他生
還識字依前日下作孤燈

老禪剩仗一作杖莫過身遠岫孤雲見亦頻應是佛

邊猶怕開信緣須作且閑人

止竟閑人不愛閑只偷無事閉柴關轟霆攪破
蛟龍窟也被狂風卷出山

地下修文著作郎生前飢處倒空墻何如神爽

騎星去猶自研幾助玉皇

雨洗芭蕉葉上詩獨來凭檻晚晴時故園雖恨
風荷膩新句閑題亦滿池

初時拄杖向鄰村漸到清明亦杜門三十年來
辭病表今朝卧病感皇恩

來時雖恨失青瑣自見芭蕉幾十篇應是阿劉
還宿債剩拚才思折供錢

芭蕉叢畔碧嬋娟免更悠悠擾蜀川應到去時
題不盡不勞分寄校書牋

自傷衰病漸難平永夜禪牀雨滴聲聞道虎瘡

仍帶鏃吼來和痛亦橫行

昨日流鶯今日蟬起來又是夕陽天六龍飛轡

長相窘更忍乘危自一作何忍着鞭

有是有非還有慮無心無迹亦無猜不平便激

風波險莫向安時稔禍胎

十年三署讓官頻認得無才又索身莫道太行

同一路大都安穩屬閑人

曾聞劫火到蓬壺縮盡鰲頭海亦枯今日家山

同此恨人歸未得鶴歸無

遊仙二首

蛾眉新畫覺嬋娟闔走將花阿母邊仙曲教成

慵不理玉階相簇打金錢

劉郎相約事難諧雨散雲飛自此乖月姊殷勤

留不住碧空遺下水精釵

漫書五首

長擬求閑未得閑又勞行役出秦關逢人漸覺
鄉音異却恨鶯聲似故山

溪邊隨事有桑麻盡日山程十數家莫怪行人

頻悵望杜鵑不是故鄉花

海上昔聞麋愛鶴山中今見鹿憎龜愛憎止竟

須關分莫把微才望所知
世路快心無好事恩門嘉話合書紳神藏鬼伏
能千變亦勝忘機避要津
四翁識勢保安閑須爲生靈暫出山一種老人
能筭度礚溪心跡愧商顏

偶詩五首

閑韻雖高不銜才偶拋猿鳥乍歸來夕陽照箇
新紅葉似要題詩落硯臺
芙蓉騷客空留怨芍藥詩家只寄情誰似天才
李山甫牡丹屬思亦縱橫

賢豪出處盡沈吟白日高懸只照心一掬信陵
墳上土便如碣石累千金
聲貌由來固絕倫今朝共許占殘春當歌莫怪
頻垂淚得地翻慚蚤失身
中宵茶鼎沸時驚正是寒窻竹雪明甘得寂寥
能到老一生心地亦應平

雜題二首

先知左袒始同行須待龍樓羽翼成若使只憑
三傑力猶應漢鼎一毫輕
魚在枯池鳥在林四時無奈雪霜侵若教激勸

由真宰亦獎青松徑寸心

光化踏青有感

引得車回莫認恩却成寂寞與誰論到頭不是
君王意羞插垂楊更傍門

丑年冬

醉日昔聞都下酒何如今喜折新茶不堪病渴
仍多慮好向滙湖便出家

白菊三首

人閒萬恨已難平栽得垂楊更繫情猶喜閨前
霜未下菊邊依舊舞身輕

莫惜西風又起來猶能婀娜傍池臺不辭暫被
霜寒挫舞袖招香即却回
為報繁霜且莫催窮秋須到自低垂橫拖長袖
招人別只待春風却舞來

扇

珍重逢秋莫棄捐依依只仰故人憐有時池上
遮殘日承得霜林幾箇蟬

修史亭三首

山前鄰叟去紛紛獨強衰羸愛杜門漸覺一家
看冷落地爐生火自溫存

甘心七十且酣歌自筭平生幸已多不似香山
白居易晚將心地著禪魔

烏紗巾上是青天檢束酬知四十年誰料平生
臂鷹手挑燈自送佛前錢

國為王文公疑所知後分司又為
唐揚所知

力疾山下吳村看杏花十九首

春來漸覺一川明馬上繁花作陣迎掉臂只將
詩酒敵不勞金鼓助橫行

閨闔曾排捧御爐猶看曉月認金鋪羸形不畫
凌煙閣只為微才激壯圖

鏡留雪馬暖消無春到梨花日又晡移取扶桑

堦下種年年看長礙金烏

折來未盡不須休年少爭來莫與留更願狂風
知我意一時吹向海西頭

才情百巧鬪風光却笑雕花刺葉忙熨帖新巾
來與裏猶看騰踏少年場

浮世榮枯總不知且憂花陣被風欺儂家自有
麒麟閣第一功名只賞詩

白衫裁袖本教寬朱紫由來亦一般王老小兒
吹笛看我儂試舞爾儂看

單床薄被又羈棲待到花開亦甚迷若道折多

還有罪只應鸚鵡是金雞

近來桃李半燒枯歸卧鄉園只老夫莫筭明年
人在否不知花得更開無

漢王何事損精神花滿深宮不見春穠艷三千
臨粉鏡獨悲掩面李夫人

能豔能芳自一家勝鸞勝鳳勝煙霞客來須共
醒醒看碾盡明昌幾角茶

造化無端欲自神裁紅剪翠爲新春不如分減
閑心力更助英豪濟活人

裴徊自勸莫沾纓分付年年谷口鶯却賴無情

容易別有情蚤箇不勝情

閑步偏宜舞袖迎春光何事獨無情垂楊合是
詩家物只愛敷溪道北生

亦知王大是昌齡杜二其如律韻清還有酸寒
堪笑處擬誇朱紱更崢嶸

潘郎愛說是詩家枉占河陽一縣花千載幾人
搜警句補方金字愛晴霞

行樂溪邊步轉遲出山漸減探花期去年四度
今三度恐到憑人折去時

此身衰病轉堪嗟長忍春寒獨惜花更恨新詩

無紙寫蜀牋堆積是誰家
昨日黃昏始看回夢中
相約又啣杯起來聞道
風飄却猶擬教人掃取來

少儀

昨日登班綴柏臺更慚起
草屬微才錦窠不是
尋常錦兼向丘遲奪得來

重陽四首

簷前減燕菊添芳燕盡庭前菊
又荒老大比他
年少少每逢佳節更悲涼

雨寒莫待菊花催須怕晴空暖
併開開却一枝

開却盡且隨幽蝶更裴徊

青娥懶唱無衣換黃菊新開乞酒難
長有長亭
惆悵事隔河更得對憑欄

白髮怕寒梳更懶黃花晴日照初開
籬頭應是
蝶相報已被鄰家攜酒來

長命縷

他鄉處處堪悲事殘照依依惜別天
此去知名
長命縷殷勤爲我唱花前

柏東

冥得機心豈在僧柏東閑步愛騰騰
免教世路

人相忌逢着村醪亦不憎

歌者十二首

追逐翻嫌傍管絃金釵擊節自當筵風霜一夜
燕鴻斷唱作江南夜襖天

玉樹花飄鳳失棲一聲初壓管弦低清回煩暑
成瀟灑豔逐寒雲變慘悽

十斛明珠亦易拚欲兼人藝古來難五雲合是
新聲染鎔作瓊漿灑露盤

不似新聲唱亦新旋調玉管旋生春愁腸隔斷
珠簾外只爲今宵共聽人

十年逃難別雲林暫輟狂歌却聽琴轉覺淡交
言外味此聲知是古人心

五柳先生自識微無絃共笑手空揮胸中免被
風波撓肯爲螳螂動殺機

風霜寒水旅人心幾處笙歌繡戶深分泊一場
雲散後未勝初夜便聽琴

自憐眼暗難求藥莫恨花繁便有風桃李更開
須強看明年兼恐聽歌聲

白雲深處寄生涯歲暮生情賴此花蜂蝶繞來
忙繞袖似知教折送鄰家

重九仍重歲漸闌強開病眼更登攀年年認得
酣歌處猶恐招魂葬故山

繞壁依稀認寫真更須粉繪飾羸身淒涼不道
身無壽九日還無舊會人

鶴筆花香搭槿籬枕前蛩迸酒醒時夕陽似照
陶家菊黃蝶無窮壓故枝

題裴晉公華嶽廟題名

岳前大隊赴淮西從此中原息鼓一作戰輦石闕莫
教苔蘚上分明認取晉公題

楊柳枝壽孟詞十八首

樂府翻來占太平風光無處不含情千門萬戶
喧歌吹富貴人閒只此聲

撼晚梳空不自持與君同折上樓時春風還有
常情處繫得人心免別離

灞亭東去徹隋堤贈別何須醉似泥萬里往來
無一事便帆輕拂亂鶯啼

臺城細仗曉初移詔賜千官襖飲時綠帳遠籠
清珮響更曛晴日上龍旗

桃源仙子不須誇聞道惟栽一片花何似浣紗
溪畔住綠陰相閒兩三家

偶然樓上捲珠簾
往往長條拂枕函
恰值小娥初學舞
擬偷金縷押春衫

池邊影動散鴛鴦
更引微風亂繡牀
直待玉窻塵不起
始應金鴈得成行

稻畦分影向江村
憔悴經霜只半存
昨日流鶯今不見
亂螢飛出照黃昏

客淚休沾漢水濱
舞腰羞殺漢宮人
狂風更與回煙箒
掃盡繁華獨占春

遊人莫歎易凋衰
長樂榮枯自有期
看取明年春意動
更於何處最先知

昔年行樂及芳時
一上丹梯桂一枝
笑問江頭醉公子
饒君滿把麴塵絲

渡頭殘照一行新
獨自依依向北人
莫恨鄉程千里遠
眼中從此故鄉春

絮惹輕枝雪未飄
小溪煙束帶危橋
鄰家女伴頻攀折
不覺回身骨翠翹

處處縈空百萬枝
一枝枝好更題詩
隔城遠岫招行客
便與朱樓當酒旗

錦城分得映金溝
兩岸年年引勝遊
若似松篁須帶雪
人間何處認風流

日暖津頭絮已飛
看看還是送春歸
莫言萬緒牽愁思
緝取長繩繫落暉

大堤時節近清明
霞襯煙籠遶郡城
好是梨花相映處
更勝松雪日初晴

聖主千年樂未央
御溝金翠滿垂楊
年年織作昇平字
高映南山獻壽觴

山鵲

多驚本爲好毛衣
只賴人憐始却歸
衆鳥自知顏色減
妬他偏向眼前飛

李居士

高居只在五峯前
應是精靈一作星降
作賢萬里無

雲惟一鶴卿一作卿中
同看却昇天

補遺

杏花

詩家偏爲此傷情
品韻由來莫與爭
解笑亦應兼解語
只應慵語倩鶯聲

白菊三首

不疑陶令是狂生
作賦其如有定情
猶勝江南隱居士
詩魔終媿負孤名

自古詩人少顯榮
逃名何用更題名
詩中有慮

猶須戒莫向詩中著不平
登高可羨少年場白菊堆邊鬢似霜益筭更希
沾上藥今朝第七十重陽

聽雨

半夜思家睡裏愁雨聲落落屋簷頭照泥星出
依前黑淹爛庭花不肯休

楊柳枝二首

陶家五柳簇衡門還有高情愛此君何處更添
詩境好新蟬歎枕每先聞
數枝珍重蘸滄浪無限塵心暫免忙煩暑若和

煙露裛便同佛手灑清涼

修史亭二首

少年已慣擲年光時節催驅獨不忙今日無疑
亦無病前程無事擾醫王

籬落輕寒整頓新雪晴步履會諸鄰自從南至
歌風頂始見人煙外有人

漫書

樂退安貧知是分成家報國亦何慚到還僧院
心期在瑟瑟澄鮮百丈潭

雜題二首

碁局長攜上釣船殺中碁殺勝絲牽洪爐任鑄
千鈞鼎只在磻溪一縷懸

曉鏡高牕氣象深自憐清格笑塵心世閒不爲
娥眉誤海上方應鶴背吟

題休休亭

咄諾休休休莫莫伎倆雖多性靈惡賴是長
教閑處著休休休莫莫一局碁一爐藥天意
時情且料度白日偏催人快活黃金難買堪騎
鶴若曰爾何能答云耐苦莫

馮燕歌

據唐音統籤云麗情集以此歌爲沈下賢作注
文苑英華者誤採之下賢有其傳未嘗作歌也

集可
考

魏中義士有馮燕遊俠幽并最少年避讐偶作
滑臺客嘶風躍馬來翩翩此時恰遇鶯花月堤
上軒車晝不絕兩面高樓語笑聲指點行人情
暗結擲果潘郎誰不慕朱門別見紅粧露故故
推門掩不開似教歐軋傳言語馮生敲鐙袖籠
鞭半拂垂楊半惹煙樹閒春鳥知人意的心
期暗與傳傳道張嬰偏嗜酒從此香閨爲我有
梁閒客鷺正相欺屋上鳴鳩空自闔嬰歸醉卧
非讐汝豈知負過人懷懼燕依戶扇欲潛逃巾

在枕傍指令取誰言狠戾心能忍待我情深情
不隱回身本謂取巾難倒柄方知授霜刃馮君
撫劍即遲疑自顧平生心不欺爾能負彼必相
負假手他人復在誰窓閒紅艷猶可掬熟視花
鈿情不足唯將大義斷曾襟粉頸初迴如切玉
鳳凰釵碎各分飛怨魄嬌魂何處追集作歸凌波如
喚遊金谷羞彼擲揄淚滿衣新人藏匿舊人起
白晝喧呼駭鄰里誣執張嬰不自明貴免生前
遭考捶官將赴市擁紅塵掉臂人來擗看人傳
聲莫遣有冤濫盜殺嬰家即我身初聞僚吏翻

疑歎呵叱風狂詞不變縲囚解縛猶自疑疑是夢

中方

一作云

脫免未死勸君莫浪言臨危不顧始知

難已爲不平能割愛更將身命救深冤白馬賢
侯賈相公長懸金帛募才雄拜章請贖馮燕罪
千古三河激義風黃河東注無時歇注盡波瀾
名不滅爲感詞人沈下賢長歌更與分明說此
君精爽知猶在長與人間留炯誠鑄作金燕香
作堆焚香酬酒聽歌來

月下留丹竈

有序

詩題五字乃真仙之詞也邵陽某縣人或聞其

山實異齋禱積稔果有蹈空而至者涉筆附楹
久之乃罷去既而熟視本文則字皆隱起成列
矣某年中廉帥上聞且命鑱其逸跡藏於郡解
其後爲刺史李岫所得今傳於君孫豈精契之
所感致耶光啓三年秋八月旣望愚獲覩於王
官別業噫跡雖顯竒道必體正故爲物怪之所
中者見之莫不洗然欲蓋其事目擊可數也吾
知挾邪佞以冒進者亦當膽慄自廢豈俟圖鼎
燬犀而後辨奸妖之詭態哉綴之全篇以志誠
敬且期自警泗水司空氏記

月下留丹竈壇邊樹羽衣異香人不覺殘夜鶴
分飛朝會初元盛蓬瀛舊侶稀瑤函真跡在妖
魅敢揚威

元日

甲子今重數生涯只自憐殷勤元日日歌午又
明年

偶作

索得身歸未保閒亂來道在辱來頑留侯萬戶
雖無分病骨應消一片山

洛陽詠古

石勒童年有戰機洛陽長嘯倚門時晉朝不是
王夷甫大智何由得預知

附詩品二十四則

雄渾

大用外腴具體內充返虛入渾積健爲雄具備
萬物橫絕太空荒荒油雲寥寥長風超以象外
得其環中持之匪強來之無窮

冲淡

素處以默妙機其微飲之太和獨鶴與飛猶之
惠風苒苒在衣閱音修篁美曰載歸遇之匪深

即之愈稀脫有形似握手已違

纖穠

采采流水蓬蓬遠春窈窕深谷時見美人碧桃
滿樹風日水濱柳陰路曲流鶯比鄰乘之愈往
識之愈真如將不盡與古爲新

沈著

綠衫野屋落日氣清脫巾獨步時聞鳥聲鴻鴈
不來之子遠行所思不遠若爲平生海風碧雲
夜渚月明如有佳語大河前橫

高古

畸人乘真手把芙蓉汎彼浩劫窅然空縱月出
東斗好風相從太華夜碧人聞清鐘虛佇神素
脫然畦封黃唐在獨落落玄宗

典雅

玉壺買春賞雨茅屋坐中佳士左右修竹白雲
初晴幽鳥相逐眠琴綠陰上有飛瀑落花無言
人淡如菊書之歲華其日可讀

洗煉

猶鑛出金如鉛出銀超心煉冶絕愛滯磷空潭
瀉春古鏡照神體素儲潔乘月返真載瞻星辰

載歌幽人流水今日明月前身

勁健

行神如空行氣如虹巫峽千尋走雲連風飲具
茹強蓄素守中喻彼行健是謂存雄天地與立
神化攸同期之以實御之以終

綺麗

神存富貴始輕黃金濃盡必枯淺者屢深露餘
山青紅杏在林月明華屋畫橋碧陰金罇酒滿
伴客彈琴取之自足良殫美襟

自然

俯拾即是不取諸鄰俱道適往着手成春如逢
花開如瞻歲新真子不奪強得易貧幽人空山
過水采蘋薄言情晤悠悠天鈞

含蓄

不着一字盡得風流語不涉難已不堪憂是有
真宰與之沈浮如淥滿酒花時返秋悠悠空塵
忽忽海漚淺深聚散萬取一收

豪放

觀花匪禁吞吐大荒由道返氣處得以狂天風
浪浪海山蒼蒼真力彌滿萬象在旁前招三辰

後引鳳皇曉策六鰲濯足扶桑

精神

欲返不盡相期與來明漪絕底竒花初胎青春
鸚鵡楊柳池臺碧山人來清酒滿杯生氣遠出
不著死灰妙造自然伊誰與裁

縝密

是有真跡如不可知意象欲生造化已竒水流
花開清露未晞要路愈遠幽行爲遲語不欲犯
思不欲癡猶春於綠明月雪時

踈野

惟性所宅真取弗羈拾物自富與率爲期築屋
松下脫帽看詩但知旦暮不辨何時倘然適意
豈必有爲若其天放如是得之

清竒

娟娟羣松下有漪流晴雪滿汀隔溪漁舟可人
如玉步屨尋幽載行載止空碧悠悠神出古異
淡不可收如月之曙如氣之秋

委曲

登彼太行翠遶羊腸杳靄流玉悠悠花香力之
於時聲之於羌似往已迴如幽匪藏水理漩狀

鵬風翱翔道不自器與之圓方

實境

取語如直計思匪深忽逢幽人如見道心晴礪
之曲碧松之陰一客荷樵一客聽琴情性所至
妙不自尋遇之自天冷然希音

悲慨

大風捲水林木爲摧意苦爲死招憇不來百歲
如流富貴冷灰大道日往若爲雄才壯士拂劍
浩然彌哀蕭蕭落葉漏雨蒼苔

形容

絕佇靈素少迴清真如覓水影如寫陽春風雲
變態花草精神海之波瀾山之嶙峋俱似大道
妙契同塵離形得似庶幾斯人

超詣

匪神之靈匪機之微如將白雲清風與歸遠引
若至臨之已非少有道契終與俗遠亂山高木
碧苔芳暉誦之思之其聲愈稀

飄逸

落落欲往矯矯不羣緱山之鶴華頂之雲高人
畫中令色網緼御風蓬葉泛彼無垠如不可執

如將有聞識者已領期之愈分

曠達

生者百歲相去幾何歡樂苦短憂愁實多何如
尊酒日往煙蘿花覆茅簷踈雨相過倒酒旣盡
杖藜行過孰不有古南山我我

流動

若納水輶如轉丸珠夫豈可道假體遺愚荒荒
坤軸悠悠天樞載要其端載同其符超超神明
返返冥無來往千載是之謂乎

司空表聖詩卷第三

己卯十二月初三日校竟以草都合異字少益同此一原也增相

章碣詩集

城南偶題

誰家朱閣道邊開
竹拂欄干滿壁苔
野水不知何處去
游人却是等閑來
南山氣聳分紅樹
北闕風高隔紫臺
可惜登臨好光景
五門須聽鼓聲迴

贈邊將

千千鐵騎擁塵紅
去去平吞萬里空
宛轉龍蟠金劍雪
連錢豹躩繡旗風
行收部落歸天闕
旋進封疆入帝聰
只有河源與遼海
如今全屬指

麾中

桃源

絕壁相欹是洞門昔人從此入仙源數株花下
逢珠翠半曲歌中老子孫別後自疑園吏夢歸
來誰信釣翁言山前空有無情水猶遶當時碧
樹村

曲江

日照香塵逐馬蹄風吹浪濺幾回隄無窮羅綺
填花徑太半笙歌占麥畦落絮却籠他樹白嬌
鶯更學別禽啼祇緣頻燕蓬洲客引得遊人去

似迷

癸丑歲毗陵會中貽同老

英華作送韋岫
郎中典泗州

玉皇恩詔別星班去歷徐方分野間有鳥盡巢
垂汴柳無樓不到英華
作對隔淮山旌旗漸向行時擁
案牘應從到日閑想憶朝天獨吟坐旋飛新作
過秦關

贈婺州蘇貞外

帝念瓊枝欲並芳星分婺女寄仙郎鸞從闕下
雖辭侶鴈到江都却續行貞外弟冲
時任揚州煙月一時搜古
跡山川兩地植甘棠即看龍虎西歸去便佐羲

軒治萬方

寄友人

謝家山水屬吾家，曾共持鈎擲歲華。
竹裏竹雞眠蘚石，溪頭鷄鶻踏金沙。
登樓夜坐三層月，接果春看五色花。
昨日西風動歸思，滿船涼葉在天涯。

雨

低著煙花漠漠輕，正堪吟坐掩柴扃。
亂沾細網垂窮巷，斜送陰雲入古廳。
鎖却暮愁終不散，添成春醉轉難醒。
霽來還有風流事，重染南山

遍青

觀錫宴

傾朝朱紫正駢闐，紅杏青莎映廣筵。
不道樓臺無錦繡，只愁塵土撲神仙。
魚銜嫩草浮池面，蝶趁飛花到酒邊。
日暮驂騑相擁去，幾人沉醉失金鞭。

城東即事

閑尋香陌鳳城東，時暫開襟向遠風。
玉笛一聲芳草外，錦鴛雙起碧流中。
苑邊花竹濃如繡，渭北山川澹似空。
回首漢宮煙靄裏，天河金闕未

央宮

夏日湖上即事寄晉陵蕭明府

亭午羲和駐火輪
開門嘉樹庇湖濱
行來賓客竒茶味
睡起兒童帶簟紋
屋小有時投樹影
舟輕不覺入鷗羣
陶家豈是無詩酒
公退堪驚日已曛

對月

殘霞卷盡出東溟
萬古難消一片冰
公子踏開香徑
蘇美人吹滅畫堂燈
琉璃輪正轉
丹霄去銀箭休催皓露凝
別有洞天三十六
水晶臺殿冷

難登

浙西送杜晦侍御入闕

紫詔徵賢發帝聰
繡衣行處撲香風
鸚歸秦樹幽禽散
星出吳天列舍空
捧日思馳仙掌外
朝宗勢動海門中
鞭鞘所拂三千里
多少諸侯合避驄

寄江東道友

野亭歌罷指西秦
避俗爭名與各新
碧帶黃麻呈縹緲
短竿長線弄因循
夜潮分卷三江月
曉騎齊驅九陌塵
可惜人間好聲勢
片帆羸馬不

相親

下第有懷

故鄉朝夕有人還欲作家書下筆難滅燭何曾
妨夜坐傾壺不獨爲春寒遷來鸚語雖堪聽落
了楊花也怕看但使他年遇公道月輪長在桂
珊珊

春日經湖上友人別業

何處狂歌破積愁攜觴共下木蘭舟綠泉濺石
銀屏濕黃鳥逢人玉笛休天借煙霞裝島嶼春
將錦繡作汀洲一年一電逡巡事不合花前不

醉遊

長安春日

春日皇家瑞景遲東風無力雨微微六宮羅綺
同時泊九陌煙花一樣飛暖著柳絲金菜重冷
開山翠雪稜稀輸他得路蓬洲客紅綠山頭爛
醉歸

陪浙西王侍郎夜宴

深鎖雷門宴上才旋看歌舞旋傳杯黃金鷄鶩
當筵睡紅錦薔薇映燭開稽嶺好風吹玉珮鏡
湖殘月照樓臺小儒末座頻傾耳祇怕城頭畫

角催

春別

擲下離觴指亂山趨程不待鳳笙殘花邊馬嚼
金銜去樓上人垂玉筍看柳陌雖然風裊裊葱
河猶自雪漫漫殷勤莫厭貂裘重恐犯三邊五
月寒

送謝進士還閩

百越風煙接巨鼇還鄉心壯不知勞雷霆入地
建溪險星斗逼人梨嶺高却擁木綿吟麗句便
攀龍眼醉香醪名場聲利喧喧在莫向林泉改

鬢毛

焚書坑

竹帛煙銷帝業虛關河空鎖祖龍居坑灰未冷
山東亂劉項元來不讀書

東都望幸

懶修珠翠上高臺眉月連娟恨不開縱使東巡
也無益君王自領美人來

旅舍早起

跡暗心多感神疲夢不游驚鳥同厭夜獨樹對
悲秋曉角和人戰殘星入漢流門前早行子敲

鐙唱離憂

補遺

上元夜建元寺觀燈呈通濟上人

建元看列上元燈處處迴廊鬪火層珠玉亂拋
高殿佛綺羅深拜遠山僧臨風走筆思呈惠到
曉行禪合伴能無限喧闐留不得月華西下露
華凝

毘陵登高

流落常嗟勝會稀故人相遇菊花時鳳笙龍笛
數巡酒紅樹碧山無限詩塵土十分歸舉子靴

坤大半屬偷兒長楊羽獵須留本開濟重爲闕

下期

二首見唐詩紀事

章碣詩集

乙卯八月初七日以蘇隄老人明鈔本校過 沈升

章國詩集

下棋

二首長專精此事

車大半鼠偷鼠身獸作窟良留本開齋重爲闕

秦韜玉詩集

長安書懷

涼風吹雨滴寒更鄉思欺人撥不平長有歸心
懸馬首可堪無寐枕蛩聲嵐收楚岫和空碧秋
染湘江到底清早晚身閑著蓑去橋香深處釣
船橫

檜樹

翠雲文幹瘦輪囷嘯雨吟風幾自春深蓋屈盤
青塵尾老皮張展黑龍鱗唯堆寒色資琴興不
放秋聲染俗塵歲月如波事如夢竟留蒼翠待

何人

讀五侯傳

漢亡金鏡道將衰便有奸臣競佐時專國祇誇
兄弟貴舉家誰念子孫危後官得寵人爭附前
殿陳誠帝不疑朱紫盈門自稱貴可嗟區宇盡
瘡痍

春雪

雲靜寒空思寂寥玉塵如糝滿春朝片纔著地
輕輕陷力不禁風旋旋銷惹砌任他香粉妬縈
叢自學小梅嬌誰家醉卷珠簾看絃管堂深暖

易調

題竹

削玉森森幽思清阮家高興尚分明捲簾陰薄
漏山色歌枕韻寒宜雨聲斜對酒缸偏覺好靜
籠碁局最多情却驚丸陌輪蹄外獨有溪煙數
十莖

貧女

蓬門未識綺羅香擬託良媒益自傷誰念風流
高格調共憐時世儉梳粧敢將十指誇纖巧不
把雙眉鬪畫長每恨年年壓金線爲他人作嫁

衣裳

鸚鵡

每聞別鴈競悲鳴却歎金籠寄此生早是翠襟
爭愛惜可堪丹嘴強分明雲漫隴樹魂應斷歌
按秦樓夢不成幸自有作補衡人未識賺他作賦被
時輕

寄李處士

呂望甘羅道已彰只憑時數為門張世途必竟
皆應定人事都來不在忙要路強干情本薄舊
山歸去意偏長因君指似封侯骨漸擬迴頭別

醉鄉

一作鳳皇

對花

長與韶光暗有期可憐蜂蝶却先知誰家促席
臨低樹何處橫釵戴小枝麗日多情疑曲照和
風得路合偏吹向人雖道渾無語笑勸王孫到
醉時

寄懷

總藏心劍事儒風大道如今已渾同會致名津
搜雋彥是張愁網絆英雄蘇公有國皆懸印楚
將無官可賞功若使重生太平日也應迴首哭

途窮

題刑部李郎中山亭

儂家雲水本相知，每到高齋強展眉。
瘦竹籊煙遮板閣，卷荷擎雨出盆池。
笑吟山色同歌枕，閑背庭陰對覆碁。
不是主人多野興，肯開青眼重漁師。

八月十五夜同衛諫議看月

常時月好賴新晴，不似年年此夜生。
初出海濤疑尚濕，漸來雲路覺偏清。
寒光入水蚊龍起，淨色當天鬼魅驚。
豈獨座中堪仰望，孤高應到鳳

凰城

亭臺

雕楹累棟架崔嵬，院宇生煙次第開。
爲向西窻添月色，豈辭南海取花栽。
意將畫地成幽沼，勢擬驅山近小臺。
清境漸深官轉重，春時長是別人來。

邊將

劍光如電馬如風，百捷長輕是掌中。
無定河邊蕃將死，受降城外虜塵空。
旗縫鴈翅和竿裊，箭撚鷗翎逐隼雄。
自指燕山最高石，不知誰爲勒

殊功

塞下

到處人皆著戰袍
席其風緊馬焚豪
黑山霜重弓添硬
青冢沙平月更高
大野幾重開雪嶺
長河無限舊雲濤
鳳林關外皆唐土
何日陳兵戍不毛

一作猶尚蒐
兵數似毛

織錦婦

桃花日日覓新竒
有鏡何曾及畫眉
祇恐輕梭難作匹
豈辭織手徧生胝
合蟬巧間雙盤帶
聯鴈斜銜小折枝
豪貴大堆酬曲徹
可憐辛苦一

絲絲

釣翁

一竿青竹老江隈
荷葉衣裳可自裁
潭定靜懸絲影直
風高斜颭浪紋開
朝攜輕櫂穿雲去
暮背寒塘載月迴
世上無窮嶮巖事
算應難入釣船來

曲江

曲沼深塘躍錦鱗
槐煙徑裏碧波新
此中境既無佳境
他處春應不是春
金榜真仙開樂席
銀鞍公子醉花塵
明年二月重來看
好共東風作

主人

隋堤

種柳開河爲勝遊堤前常使路人愁陰埋野色
萬條思翠束寒聲千里秋西日至今悲兔苑東
波終不反龍舟遠山應見繁華事不語青青對
水流

天街

九衢風景盡爭新獨占天門近紫宸寶馬競隨
朝暮客香車爭碾古今塵煙光正入南山色氣
勢遙連北闕春莫見繁華祇如此暗中還換往

來人

紫騮馬

渥洼竒骨本難求況是豪家重紫騮臆大且懸
銀壓胯力渾欺著玉銜頭生獰弄影風隨步躩
蹠衝塵汗滿鞴若遇丈夫能控馭任從騎取覓
封侯

問古

大底榮枯各自行兼疑陰隲也難明無門雪向
頭中出得路雲從脚下生深作四溟何浩渺高
爲五岳太崢嶸都來總向人間看直到皇天可

是平

豪家

石甃通渠引御波
綠槐陰裏五侯家
地衣鎮角香獅子
簾額侵鈎繡
辟邪按徹清歌天未曉
飲迴深院漏猶賒
四鄰池館吞將盡
尚自堆金爲買花

陳宮

臨春高閣擬瀛洲
貪寵張妃事勝遊
便把江山爲己有
豈知臺榭是身讐
金城暗逐歌聲碎
鐵甕潛隨舞勢休
誰識古宮堪恨處
井梧吟雨不

勝秋

送友人罷舉授南陵令

共言愁是酌離盃
況值絃歌枉大才
獻賦未爲龍化去
除書猶喜鳳銜來
花明驛路胭脂暖
山入江亭菴畫開
莫把新詩題別處
謝家臨水有池臺

投知己

爐中九轉鍊錐成
教主看時亦自驚
羣嶽並天先減翠
大江臨海恐無聲
賦歸已罷吳門釣
身老仍拋楚岸耕
唯有太平方寸血
今朝盡向隗

臺傾

牡丹

折妖放豔有誰催疑就仙中旋折來圖把一春
皆占斷固留三月始教開壓枝金蕊香如撲逐
朶檀心體勝裁好是酒闌絲竹罷倚風含笑向
樓臺

春遊

選勝逢君叙解攜思和芳草遠煙迷小梅香裏
黃鶯轉垂柳陰中白馬嘶春到美人歌徧熟風
牽公子酒旗低早知有此關身事悔不前年住

越溪

仙掌

萬仞蓮峰積翠新靈蹤依舊印輪巡何如捧日
安皇道莫把迴山示世人已擘峻流穿太岳長
扶王氣擁強秦爲予勢負天工背索取風雲際
會身

燕子

不知大厦許棲無頻已銜泥到座隅曾與佳人
並頭語幾回拋却繡功夫

奉和春日翫雪

北闕同雲掩曉霞東風春雪滿山家瓊章定少
千人和銀樹先開六出花

獨坐吟

客愁不盡本如水草色含情更無已又覺春愁
似草生何人種在情田裏

採茶歌

一作紫
芽茶歌

天柱香芽露香發爛研瑟瑟穿荻篾太守憐才
寄野人山童碾破團團月倚雲便酌泉聲煮獸
炭潛然蚌珠吐看著晴天早日明鼎中颯颯篩
風雨老翠香塵下纔熟攪時繞筋天一作
秋雲綠耽

書病酒兩多情坐對閩甌睡先足洗我曾中幽
思清鬼神應愁歌欲成

貴公子行

堦前莎球綠不捲銀龜噴香挽不斷亂花織錦
柳撚線粧點池臺畫屏展主人功業傳國初六
親聯亂馳朝車鬪雞走狗家世事抱來皆佩黃
金魚却笑儒生把書卷學得顏回忍飢面

校迄今鈔本訖時十一月二十五日乃新曆之除夕也沈林

乙卯歲

秦韜玉詩集

雲臺編序
貴公十
思青泉
書函西
雨冬
散坐
樸園
颯颯
共
吳
夫
非
曾
中
幽

雲臺編序

雲臺編

都官郎中鄭谷

谷勤苦於風雅者自騎竹之年則有賦詠雖屬對聲律未暢而不無旨諷同年丈人故川守李公朋同官丈人馬博士戴嘗撫頂歎勉謂他日必垂名及冠則編軸盈筥求試春闈歷于於大匠故少師相國太原公深推獎之故薛許昌能李建州頻不以晚輩見待預於唱和之流而忝所得為多遊舉場凡十六年著述近千餘首自可者無幾登第之後孜孜忘倦甚於始學也喪亂奔離散墜略盡乾寧初上幸二峰朝謁多暇

寓止雲臺道舍因以所記或得章句綴於牋毫
或得於故俟屋壁或聞於江左近儒或祇首一
聯或不知落句遂拾墜補遺編成三百首分爲
上中下三卷目之爲雲臺編所不能自負初心
非敢矜於作者乾寧三月望唐都官郎中鄭谷守愚序

嘉靖己未袁郡有雲臺編刻本嚴介溪爲序

云得之故少傅王文恪公本錄自秘閣蓋宋

雲臺編序生子遵所收葉文九來家書中有之

借校一過

康熙辛卯春日焯記

雲臺編卷上

雲臺編

雜著

都官郎中鄭谷守愚

上三

感興

禾黍不陽豔競栽桃李春翻今力耕者半作賣
花人

上六

上六

望湘亭

湘水似伊水湘人非故人登臨獨無語風柳自
搖春

上四十二

上三十二

採桑

曉陌攜籠去桑林路隔淮何如鬪百草賭取鳳

此下百題目五十一行

皇釵

上四十三

悶題

落第春相困無心惜落花荆山歸不得歸得亦無家

下五十三
五十七

中臺五題

松格一何高何人号乳毛霜天寓直夜愧爾伴閑曹

鈔本題皆在前

下五十三

右乳毛松

賢人骨已銷墓樹幾榮凋正直魂如在齋心願一招

宋本在代秋扇詞後

下五十四

右楞里子墓

亂前看不足亂後眼偏明却得蓬蒿力遮藏見太平

下五十五

右牡丹

唐昌樹已荒天意眷文昌曉入微風起春時雪滿牆

下五十六

右玉蕊亂前唐昌觀玉蕊最盛

暴亂免遺折森羅賢達名末郎何所取叨繼外門榮

右石柱

外祖在南宫七轉名曹鑄記皆在

上

別同志

所立共寒苦平生同與遊相看臨遠水獨自上
孤舟天澹滄浪晚風悲蘭杜秋前程吟此景為
子上高樓

上四

送進士盧啓東歸

灞岸草萋萋離觴我獨攜流年俱老大失意又
東西曉楚山雲滿春吳水樹低到家梅雨歇猶
有子規啼

上七

上十七

從叔郎中誠輟自秋曹分符安陸屬羣
盜猖熾流毒江境竟以援兵不來城

上九六

上六

送徐端公南歸

池失守例削今任却叙省銜退居荆
漢之間頗得琴樽之樂因有寄獻
華省稱前任何慙削一禪滄洲失孤壘白髮出
重圍苦節翻多難空山自喜歸悠悠清漢上漁
者日相依

青衿離白社朱綬始言歸此去應多羨初心盡
不違江帆和日落越鳥近鄉飛一路春風裏楊
花雪滿衣

上五十六

上五十七

送祠部曹郎中鄴出守洋州

為儒欣出守上路亦戎裝舊製詩多諷分憂俗
必康開懷江稻熟寄信露橙香郡閣清吟夜寒
星識望郎

上五十六

送進士許彬

泗上未休兵壺關事可驚流年催我老遠道念
君行殘雪臨晴水寒梅發故城何當食新稻歲
稔又時平

中三十一

次韻和王駕枚書結綬見寄之什

直應歸諫署方肯別山村勤苦常同業孤單共
感恩醉披仙鶴氅吟扣野僧門夢見君高趣天

宋本不載此四篇
湘鈔本此首下乃高梅賦
中順初後黃田偶作三首
皆五律

涼自灌園

上四十

秘閣伴直

秘閣鎖書深牆南列晚岑吏人同野鹿庭木似
山林淺井寒蕪入迴廊疊蘚侵閑看薛稷鶴共
起五湖心

上三十三

送太學顏明經及第東歸

平楚干戈後田園失耦耕艱難登一第離亂省
諸兄樹沒春江氣人繁野渡晴閑來思學館猶
夢雪窻明

上六十二

送進士趙能卿下第南歸

不歸何慰親歸去舊風塵灑淚慙關吏無言對
越人遠帆花月夜微岸水天春莫便隨漁釣平
生已苦辛

上五十三

上五十五

送人遊邊

春亦怯邊遊此行風正秋別離聞夜雨道路向
雲州磧樹藏城近沙河漾日流將軍方破虜莫
惜獻良籌

上七十四

上六十四

送人之九江謁郡侯苗員外紳

澤國尋知己南浮不偶遊湓城分楚塞廬岳對
江州曉飯臨孤嶼春帆入亂流雙旌相望處月

白庾公樓

上九十二

上七十六

送許崇先輩之官涇縣

白頭新作尉縣在故山中高第能卑宦前賢尚
此風蕪湖春蕩漾梅雨晝溟濛佐理人安後篇
章莫廢功

下七十二

下七十一

送司封從叔員外微赴華州裴尚書均辟

如何拋錦帳蓮府對蓮峰舊有雲霞約暫留鵝
鷺蹤敷溪秋雪岸樹谷夕陽鐘盡入新吟境歸
朝興莫慵

下二十四

下三十四

送京參翁先輩歸閩中

解印東歸去人情此際多名高五七字道勝兩
重科宿館明寒燒吟船兀夜波家山春更好越
鳥在庭柯

中五

中六

贈別

南遊曾共遊相別倍相留行色迴燈曉離聲滿
竹秋穩眠彭蠡浪好醉岳陽樓明日逢佳景為
君成白頭

上九十七

上七十九

南遊

淒涼懷古意湘浦弔靈均故國經新歲扁舟寄
病身山城多曉瘴澤國少晴春漸遠無相識青

梅獨向人

上二十

上二十

巴賓旅寓寄朝中從叔

驚秋思浩然信美向巴天獨倚臨江樹初聞落
日蟬衰榮悲往事漂泊念多年未便甘休去吾
宗盡見憐

下九十六

下九十五

寄司勳張負外學士

平昔偏知我司勳張外郎昨來聞俶擾憂甚欲
顛狂煙暝搔愁鬢春陰賴酒鄉江樓倚不得橫
笛數聲長

下二十四

下二十三

寄邊上從事

男兒懷壯節河外事嫖姚高壘觀諸寨全師護
大朝淺山寒放馬亂火夜防苗下第春愁甚勞
君遠見招

下四十八
寄左省韋起居

風神何蘊藉張緒正當年端簡爐香裏濡毫洞
案邊飾裝無雨備著述減春眠日夕應彌入銀
臺曉候宣

下五
寄贈藍田韋少府先輩

王畿第一縣縣尉是詞人館殿非初意圖書是
舊貧破冰泉竇響賽雪廟松春自此昇通籍清

華日近身

下六
寄懷元秀上人

悠悠干祿利草草廢漁樵身世堪惆悵風騷頗
寂寥高秋期野步積雨放趨朝得句如相憶莎
齋且見招

上三十四
贈圓昉公

昉蜀僧僖宗幸
蜀昉堅免紫衣

天階讓紫衣冷格鶴猶早道勝嫌名出身閑覺
老遲晚香延宿火寒磬度高枝長說長松寺他
年與我期

上三十四
寄題方干處士

山雪照湖水漾舟湖畔歸松篁調遠籟臺榭發
清輝野岫分閑徑漁家並掩扉暮年詩力在新
句更幽微

上三十九

上三十九

寄獻湖州從叔負外

顧渚山邊郡溪將罨畫通遠看城郭裏全在水
雲中西閣歸何晚東吳興未窮茶香紫笋露洲
迴白蘋風歌緩眉低翠盃明蠟翦紅政成尋往
事輟棹問漁翁

上九十六

上九十

訪姨兄渭口別墅

枯桑河上村寥落舊田園少小曾來此悲涼不

可言訪鄰多指冢問路半移原久歉家僮散初
晴野薺繁客帆懸極浦漁網曬危軒苦澁詩盈
篋荒唐酒滿樽高枝霜果在幽渚暝禽喧遠靄
籠樵響微煙起燒痕衰榮孤族分感激外兄恩
三宿忘歸去圭峰恰對門

中二十三

中二十五

放朝偶作

寒極放朝天欣聞半夜宣時安逢密雪明晏得
高眠擁褐同休假吟詩賀有年坐來幽興在松
亞小窻前

中三十四

中三十六

順動後藍田偶作

時丙辰
初夏月

小諫昇中諫三年侍玉除且言無所補浩歎欲
何如宮闕飛灰燼嬪嬙落里閭藍峰秋更碧沾
灑望鑾輿

下六

府中寓止寄趙大諫

老作含香客貧無餽舍錢神州容寄跡大尹是
同年密邇都忘倦乖慵益見憐雪風花月好中
夜便招延

下七

峽中寓止二首

荊州未解圍小縣結茅茨強對官人笑備爲野
鶴欺江春鋪網濶市晚鬻蔬遲子美猶如此翻

然不敢悲

傳聞殊不定鑿輅幾時還俗易無常性江清見
老顏夜船歸草市春步上茶山寨將來相問兒
童競啓關

中四

顏惠詹事即孤姪舅氏謫官黔巫舟中

相遇愴然有寄

猶子在天末念渠懷渭陽巴山偶會遇江浦共
悲涼謫宦君何遠窮遊我自強獨狂瘴村三月暮雨
熟野梅黃

上六

訪題進士孫秦延福南街居

多病久離索相尋聊解顏短牆通御水疎樹出
南山歲月何難老園林未得還無門共榮達孤
坐却如閑

上六二

訪題進士張喬延興門外所居

平生苦節同旦夕會原東掩卷斜陽裏看山萬
木中星霜吟欲老江海業全空近日文場內因
君起古風

上七十八

上六三

寄南浦謫官

多才翻得罪天末抱窮憂白首為遷客青山繞
萬州醉歌梅障曉歌厭竹枝秋望闕懷鄉淚荆

江水共流

上七十九

上六四

李夷遇侍御久滯水鄉因抒寄懷

簪豸年何久懸帆興甚長江流愛吳越詩格愈
齊梁竹寺晴吟遠蘭洲晚泊香高閑徒自任華
省待為郎

上八十一

上六五

寄膳部李郎中昌符

鄠郊陪野步早歲偶因詩自後吟新句長愁減
舊知靜燈微落燼寒硯旋生澌夜夜冥搜苦那
能鬢不哀

上七十六

上六六

寄前水部賈負外嵩

謝病別文昌仙舟向越鄉貴爲金馬客雅稱水
曹郎白鷺同孤潔清波共渺茫相如詞賦外騷
雅趣何長

中六十三

中五十一

寄棊客

松窓楸局穩相顧思皆疑幾局賭山果一先饒
海僧覆圖聞夜雨下子對秋燈何日無羈束期
君向杜陵

下五十三

下七十二

聞進士許彬罷舉歸睦州悵然懷寄

桐廬歸舊廬垂老復樵漁吾子雖言命鄉人懶
讀書煙舟撐晚浦雨屐翦春蔬異代名方振哀

吟莫廢初

上六十四

上五十六

長安夜坐寄懷湖外嵇處士

萬里念江海浩然天地秋風高羣木落夜久數
星流鐘絕分宮漏螢微隔御構遙思洞庭上葦
露滴漁舟

上七十七

上六十三

贈文士王雄

知己竟何人夫君尚苦辛圖書長在手文學老
於身公道天難廢貞姿世任嗔小齋松菊靜願
卜子爲鄰

中六十八

中八十三

贈富平李宰

夫君清且貧琴鶴最相親簡肅諸曹事安閑一
境人陵山雲裏拜渠路雨中巡易得連宵醉干
缸石凍春

下八十一

贈尚顏上人

相尋喜可知放錫便論詩酷愛山兼水唯應我
與師風雷吟不覺猿鶴老爲期近輩推棲白其
如趣向卑

下八十六

下八十五

贈油口苗居士

歲晏樂園林維摩契道心江雲寒不散庭雪夜
方深酒共遊人飲詩憐稚子吟四郊多壘日勉

六十六

上七十一

梁燭處士辭金陵相國杜公歸舊山因

我捨朝簪

以寄贈

相庭留不得江野有苔磯兩浙尋山徧孤舟載
鶴歸世間書讀盡雲外客來稀諫署搜賢急應
難惜布衣

上三十一

上三十一

哭建州李貞外頻

令終歸故里末歲道如初舊友誰爲誌清風豈
易書雨墳生野蕨鄉奠釣江魚獨夜吟還泣前
年伴直廬

下五十八

下五十八

哭進士李洞二首

李生酷愛賈浪仙詩長江在東蜀境內浪仙冢於此處

所惜絕吟聲不悲君不榮李端終薄宦賈島得
高名旅葬新墳小遺孤遠俗輕猶疑隨計晚昨
夜草蟲鳴

鈔本題在此下

自聞東蜀病唯我獨關情若近長江死想君勝
在生瘴蒸丹旆濕燈隔素帷清冢樹僧栽後新
蟬一兩聲

上十九

上十九

南康郡牧陸肱郎中辟許崇先輩為郡

從事因有寄贈

振鷲思前鷄難為戀故巢江山多勝景賓王是

貧文飲舫閑依葦琴堂雅結茅夜清僧伴宿水
月在松梢

上三十六

上三十五

久不得張喬消息

天末去程孤沿淮復向吳亂離何處甚安穩到
家無樹盡雲垂野檣稀月滿湖傷心繞村落應
少舊耕夫

上九十五

上七十六

題嵩高隱者居

豈易訪仙蹤雲蘿千萬重他年來上隱此景願
相容亂水林中路深山雪裏鐘見君琴酒樂迴
首興何慵

上九十四

上七十七

趙璘郎中席上賦蝴蝶

尋豔復尋香似閑還似忙
暖煙沉蕙徑微雨宿花房
書幌輕隨夢歌樓誤採粧
王孫深屬意繡入舞衣裳

上九十

上七十五

賀進士駱用錫登第

苦辛垂二紀擢第却霑裳
春榜到春晚一家榮一鄉
題名登塔喜醪宴為花忙
好是東歸日高槐蕊半黃

上九十九

上七十四

興州東池

南連乳郡流潤碧浸晴樓
徹底千峰影無風一

上九十八

上七十三

渠江旅思

片秋垂楊拂蓮葉返照媚漁舟
鑑貌還惆悵難遮兩鬢羞

上九十七

上七十二

登杭州城

漠漠江天外登臨返照間
潮來無別浦木落見他山
沙鳥晴飛遠漁人夜唱閑
歲窮歸未得心逐片帆還

夜竹枝歌

逐片帆還

上十

上二十二 曲江

細草岸西東酒旗搖水風樓臺在煙杪鷗鷺下
沙中翠幄晴相接芳洲夜暫空何人賞秋景興
與此時同

上十五

上二十六 沙苑

茫茫信馬行不似近都城苑吏猶迷路江人莫
問程聚來千嶂出落去一川平日暮客心速愁
聞鴈數聲

上十六

上三十一 通川客舍

奔走失前計淹留非本心已難消永夜況復聽

上五十八

上五十九 潼關道中

秋霖漸解已兒語誰憐越客吟黃花徒滿手白
髮不勝簪

上五十九

上六十一 終南白鶴觀

白道曉霜迷離燈照馬嘶秋風滿關樹殘月隔
河雞來往非無倦窮通豈易齊何年歸故社披
雨翦春畦

步步景通真門前衆水分檉蘿諸洞合鐘磬上
清聞古木千尋雪寒山萬丈雲終期掃壇級來
事紫陽君

上七十三

上五十九

題興善寺寂上人院

客來風雨後院靜似荒涼罷講蛩離砌思山葉
滿廊臘高興故疾爐暖發餘香自說匡廬側杉
陰半石牀

下七十一

下六十九

題水部李羽負外招國里居

野色入前軒脩然琴與樽盡僧依寺壁栽葦學
江村自醞花前酒誰敲雪裏門不辭朝謁遠唯
要近慈恩

下四十三

下四十二

信美寺峯上人

巡禮諸方徧湘南頗有緣焚香老山寺乞食向

下六

下六
池上

江船紗碧籠名畫燈寒照淨禪我來能永日蓮
漏滴堦前

池榭愜幽獨狂吟學解嘲露荷香自在風竹吟
相敲喪志嫌孤宦忘機愛澹文仙山如有分必
擬訪三茅

下十

下十

遊貴侯城南林墅

韋杜社八九月亭臺高下風獨來新霽後閑步澹
煙中荷密連池綠柿繁和葉紅主人貪貴達清
境屬鄰翁

宋本不載此首局下四十九
按鈔本此篇後有錦音
中五題之記毛松栢里
子莫也

江行

漂泊病難任逢人淚滿襟
關東多事日天末未
歸心夜雨荆江漲春雲
郢樹深殷勤聽漁唱漸
漸入吳音

舟次通泉精舍

江清如洛汭寺好似香山
勞倦孤舟裏登臨半
日間樹涼巢鶴健巖響
語僧閑更共幽雲約秋
隨絳帳還

水軒

日日狎沙禽偷安且放吟
讀書老不入愛酒病

還深歎後為羈客兵餘問
故林楊花滿牀席搔
首度春陰

潯陽姚宰廳作

縣幽公事稀庭草是山薇
縱得招棊侶何妨著
道衣野泉當案落汀鷺
入衙飛寺去東林近多
應隔宿歸

梓潼歲暮

江城無宿雪風物易為春
酒美消磨日梅香著
莫人老吟窮景象多難
損精神漸有還京望綿
州減戰塵

中九十五

咸陽

咸陽城下宿往事可悲思未有謀身計頻遷反
正期凍河孤棹澁老樹疊巢危莫問今行止漂
漂不自知

下三

長安感興

徒勞悲喪亂自古戒繁華落日狐兔徑近年公
相家可悲聞玉笛不見走香車寂寞牆匡裏春
陰挫杏花

上七十一

聞所知遊樊川

誰無泉石趣朝下少司過貪勝覺程近愛閑經

上七十五

張谷田舍

宿多片沙留白鳥高木引青蘿醉把漁竿去殷
勤藉岸莎

下九十七

深居

縣官清且儉深谷有人家一徑入寒竹小橋穿
野花確喧春澗滿梯倚綠桑斜自說年來稔前
村酒可賒
吾道有誰同深居自固窮殷勤謝綠樹朝夕惠
清風書滿閑窻下琴橫野艇中年來頭更白雅
稱釣魚翁

下十一

端居

葉葉下高梧端居失所圖亂離時輩少風月夜
吟孤舊疾衰還有窮愁醉暫無秋光如水國不
語理霜鬚

下十五

郊園

相近復相尋山僧與水禽煙蓑春釣靜雪屋夜
碁深雅道誰開口時風未醒心溪光何以報祇
有醉和吟

下二

郊野

蓼水菊籬邊新晴有亂蟬秋光終寂寞晚醉自

中六十九

留連野濕禾中露村閑社後天題詩滿紅葉何
必浣花牋

中六十四

旅寓洛南村舍

村落清明近鞦韆稚女誇春陰妨柳絮月黑見
梨花白鳥窺漁網青帘認酒家幽棲雖自適文
友在京華

中四十二

中四十三

杏花

不學梅欺雪輕紅照碧池小桃新謝後雙燕却
來時香屬登龍室煙籠宿蝶枝臨軒須翫取風
雨易離披

中四十四

中四十五

水林檎花

一露一朝新
簾櫳曉景分
豔和蜂蝶動
香帶管絃聞
笑擬春無力
粧濃酒漸醺
直疑風起夜
飛去替行雲

中二十三

中二十四

蓼花

簇簇復悠悠
年年拂漫流
差池伴黃菊
冷澹過清秋
晚帶鳴蟲急
寒藏宿鷺愁
故溪歸不得
憑仗繫漁舟

下三十一

下三十二

江梅

江梅且緩飛
前輩有歌詞
莫惜黃金縷
難忘白

雪枝吟看歸
不得醉嗅立
如癡和雨和
煙折舍情寄
所思

中三十三

中三十四

荔枝

平昔誰相愛
驪山遇貴妃
枉教生處遠
愁見摘來稀
晚奪紅霞色
晴欺瘴日威
南荒何所戀
為爾即忘歸

中三十二

中三十九

駐蹕華下同
年司封負外
從翁許共遊

西溪久違前契戲成寄贈

北渚牽吟興
西溪爽共遊
指期乘禁馬

故事初入內庭恩賜

飛龍馬無暇狎沙鷗
縱目懷青島
澄心想碧流
明公

非不愛應待泛龍舟

中四十一

中四十二

谷自亂離之後在西蜀半紀之餘多寓
止精舍與圓昉上人爲淨侶昉公於
長松山舊齋嘗約他日訪會勞生多
故遊宦數年曩契未諧忽聞謝世愴
吟四韻以弔之

每思聞淨話雨夜對禪牀未得重相見秋燈照
影堂孤雲終負約薄宦轉堪傷夢繞長松塔遙
焚一炷香

中六十四

中六十三

投時相十韻

何以保孤危操脩自不知衆中常杜口夢裏亦
吟詩失計辭山早非才得仕遲薄冰安可履暗
室豈能欺勤苦流螢信吁嗟宿燕知殘鐘殘漏
曉落葉落花時故舊寒門少文章外族衰此生
多軼軻半世足漂離省署隨清品漁舟爽素期
戀恩休未遂雙鬢漸成絲

雲臺編卷上

戀恩村未老
多罇陣半世
只與鱗省署
齟齬品魚
舟爽素隄
熱茶葉
茶芥執姑
蓄寒門
少文章
木惹哀
此主
室豈捐
棋懣苦
死
室計
和製
齋燕
快
爽
韃
爽
肅
今藉
夫信
報
山
早
非
木
野
出
豈
載
米
安
可
對
部
何以
別
雁
氣
懸
削
自
不
咲
衆
中
常
掛
口
夢
裏
亦

雲臺編卷中

都官郎中鄭谷守愚

中十九

中二十

喜秀上人相訪

雪初開一徑
師忽扣雙扉
老大情相近
林泉約
共歸憂榮
棲省署孤僻
負朝衣
他夜松堂宿
論詩更入微

中四十三

中四十四

夕陽

夕陽秋更好
歛歛蕙蘭中
極浦明殘雨
長天急
遠鴻僧窻留
半榻漁舸透
疎篷莫恨清
光盡寒
蟾即照空

揺落

夜來揺落悲桑棗半空枝故國無消息流年有
亂離霜秦聞鴈早煙渭認帆遲日暮寒聲隱邊
軍在雍岐

西蜀淨衆寺松溪八韻兼寄小筆崔處士
松因溪得名溪吹苔松聲繚繞能穿寺幽竒不
在城寒煙齋後散春雨夜中平染岸蒼苔古翹
沙白鳥明澄分僧影瘦光徹客心清帶梵侵雲
響和鐘擊石鳴澹烹新茗爽暖泛落花輕此景
吟難盡憑君畫入京

遷客

離夜聞橫笛可堪吹鷓鴣雪冤知早晚雨泣度
江湖秋樹吹黃葉臘煙垂綠蕪虞翻歸有日莫
便哭窮途

蔡處士

無著復無求平生不解愁鬢疏貧潔淨中酒病
風流旨趣陶山相詩篇沈隱佚小齋江色裏籬
柱繫漁舟

予嘗有雪景一絕爲人所諷今段贊善
小筆精微忽爲圖畫以詩謝之

贊善賢相後家藏名畫多留心於繪素得事在
煙波屬興同吟詠成功更琢磨愛子風雪句幽
絕寫漁蓑

下六十二

下六十二

京兆府試殘月如新月

榮落何相似初終却一般猶疑和夕照誰信墮
朝寒水木輝華別詩家比象難佳人應誤拜棲
鳥反求安屈指期輪滿何心謂影殘庾樓清賞
處吟徹曙鐘看

上百一

上六十二

咸通十四年府試木向榮

題中
用韻

園林青氣動衆木散寒聲敗葉牆陰在滋條雪

後榮欣欣春令早藹藹日華輕庾嶺梅先覺隋
堤柳暗驚山川應物候臯壤起農情祇待花開
日連棲出谷鶯

中二十一

中二十一

丞相孟夏祇薦南郊紀獻十韻

節應清和候郊宮事潔羞至誠聞上帝明德祀
圓丘雅用陶匏器馨非黍稷流就陽陳盛禮丘
國禱鴻休漸曉蘭迎露微涼麥弄秋壽山橫紫
閣瑞靄抱皇州外肅通班序中嚴錫慶優奏歌
三酒備表敬百神柔池碧將還鳳原清再問牛
萬方瞻輔翼共賀贊皇猷

叙事感恩上狄右丞

昔歲曾投贄關河在左馮庾公垂顧遇王粲許

從容頃年庾給事崇出守同州右丞在幕席谷退飛遊謁始受獎知首薦叨殊禮全家寓

近封白樓陪寫望青眼感遭逢顧念梁間燕深

隣澗底松嵐光蓮岳逼酒味菊花濃同州官醞尚菊花酒寇難

旋移國漂離幾聽蛩半生悲逆旅二紀間門墉

蜀雪隨僧躡荆煙逐鴈衝凋零歸兩鬢舉止失

前蹤得事雖甘晚陳詩未肯慵邇來趨九仞又

伴賞三峰時大駕在華州棲託情何限吹噓意數重自茲

儔侶內無復歎龍鍾

詠懷

迂疎雖可欺心路甚男兒薄宦渾無味平生粗

有詩澹文終不破孤達晚相宜直夜花前喚朝

寒雪裏追竹聲輸我聽茶格共僧知景物還多

感情懷偶不卑溪鶯喧午寢山蕨止春飢險事

銷腸酒清歡敵手碁香鋤拋藥圃煙艇憶莎陂

自許亨途在儒綱復振時

乾符丙申歲奉試春漲曲江池用春序字

王澤尚通津恩波此日新深疑一夜雨窳似五

湖春泛豔翹振鷺澄清躍紫鱗翠低孤嶼柳香

五三七
失半汀蘋鳳輦尋佳境龍舟命近臣桂花如入
手願作從遊人

上三六
華山

峭仞聳巍巍晴嵐染近畿孤高不可狀圖寫盡
應非絕頂神仙會半空鸞鶴歸雲臺分遠靄樹
谷隱斜暉墜石連村響狂雷發廟威氣中寒渭
澗影外白樓微雲對蓮花落泉橫露掌飛乳懸
危磴滑樵徹上方稀澹泊生真趣逍遙息世機
野花明澗路春蘚澁松圍遠洞時聞磬羣僧晝
掩扉他年洗塵骨香火願相依

下

下
入閣

秘殿臨軒日和鑾返正年兩班文武盛百辟羽
儀全霜漏清中禁風旗拂曙天門嚴新勘契仗
入乍承宣玉几當紅旭金爐縱碧煙對揚稱法
吏贊引出宮鈿言動揮毫疾雍容執簿專壽山
晴靄隸顯氣暖連延禮有鴛鸞集恩無雨露偏
小臣叨備位歌詠泰階前

下七十

下
故少師從翁隱巖別墅亂後榛蕪感舊

愴懷遂有追紀

風騷爲主人凡俗仰清塵密行稱閨闈明誠動

搢紳周旋居顯重內外掌絲綸妙王蓬壺籍忠
 為社稷臣大儀牆仞峻東轄紀綱新聞善常開
 口推公豈為身立朝鳴珮重歸宅典衣貧半醉
 看花晚中食煮菜春晴臺隨鹿上幽墅約僧鄰
 理論知清越清越江左詩僧孤卿待之甚厚生徒得李頻藥香沾筆
 硯竹色染衣巾寄鶴眠雲叟騎驢入室賓成通中舉子乘
馬唯張喬跨驢喬詩苦道貞孤卿延於門下近將姚監比自姚秘監合王張風雅後孤卿一人而已僻與
 段卿親段少常成式與學辛勤章句入微孤卿為前序葉積池邊路茶遲雪後
 薪所難留著述誰不秉陶鈞喪亂時多變追思
 事已陳浮華重發作雅正甚湮淪宗從今何在

下八

依棲素有因七松無影響孤卿植小松七本自号七松處士異代對五柳先生雙淚
 益悲辛猶喜于門秀年來屈復伸班即孤卿姪孫登進士科級也
 送吏部曹郎中免官南歸

高名向已求古韻古無儔風月拋蘭省江山復
 桂州賢人知止足中歲便歸休雲鶴深相待公
 卿不易留滿朝張祖席半路上仙舟篋重藏吳
 畫茶新換越甌郡迎紅燭宴寺宿翠嵐樓觸目
 成幽興全家是勝遊蓬聲漁叟雨葦色鷺鷥秋
 久別郊園改將歸里巷脩桑麻勝祿食節序免
 鄉愁陽朔花迎棹崇賢葉滿溝席春歡促膝簷

日暖梳頭道暢應為瘧時來必問牛終須康庶
品未爽漱寒流議在歸羣望情難戀自由小生
誠淺拙早歲便依投夏課每垂獎雪天常見憂
遠招陪宿直首薦向公侯攀送偏揮灑龍鍾志
未酬

下七

迴鑾

妖星沉雨露和氣滿京關上將忠勳立明君法
駕還順風調雅樂夾道序羣班香泛傳宣裏塵
清指顧間樓臺新紫氣雲物舊黃山曉渭行朝
肅秋郊曠望閑廟靈安國步日角動天顏浩浩
昇平曲流歌徹百鑾

中三十三

峽中

萬重煙靄裏隱隱見夔州夜靜明月峽春寒堆
雪樓獨吟誰會解多病自淹留往事如今日聊
同子美愁

中三十一

蜀中寓止夏日自貽

展轉歌孤枕風幃信寂寥漲江垂帶竦驟雨鬧
芭蕉道阻歸期晚年加記性銷故人衰颯盡相
望在行朝

下三十二

試筆偶書

沙鳥與山麋由來性不羈可憑唯有道難解莫
過詩任笑孤吟僻終嫌巧宦早乖慵恩地恕冷
澹好僧知華省慙公器滄江負釣師露花春直
夜煙鼓早朝時世路多艱梗家風免墜遺殷勤
一蓑雨祇得夢中披

下二十三

下二十三

奔避

奔避投人遠漂離易感恩愁鬢霜颯颯病眼淚
昏昏孤館秋聲樹寒江落照村更聞歸路絕新
寨截荆門

下十六

下十六

弔水部賈負外蒿

八韻與五字俱為時所先幽魂應自慰李白墓
相連

上六十五

上六十六

貧女吟

塵壓鴛鴦廢錦機滿頭空插麗春枝東鄰舞妓
多金翠笑翦燈花學畫眉

上九十三

上九十二

席上貽歌者

花外樓臺近九衢清歌一曲倒金壺座中亦有
江南客莫向春風唱鷓鴣

下九十二

下九十一

菊

玉孫莫把比荆蒿九日枝枝近鬢毛露濕秋香

滿池岸由來不羨瓦松高

下四十六 下四十五 下峽

憶子啼猿繞樹哀雨隨孤棹過陽臺波頭未白
人頭白瞥見春風豔潁堆

下三十七 文昌寓直

何遜空堦夜雨平朝來文直雨新晴落花亂上
花塼上不忍和苔躡紫英

下三十九 贈咸陽王主簿 下三十八 街西晚歸

御溝春水繞閑坊信馬歸來傍短牆幽榭名園
臨紫陌晚風時帶牡丹香

東餘酒相留宿聽我披衣
看雪吟 上三十三

上三十三 十日菊

節去蜂愁蝶不知曉庭還繞折殘枝自綠今日
人心別未必秋香一夜衰

上十四 鷺鷥

閑立春塘煙澹澹靜眠寒葦雨颼颼漁翁歸後
汀沙晚飛下灘頭更自由

上三十五 柳

半煙半雨江橋畔映杏映桃山路中會得離人
無限意千絲萬絮惹春風

下三十六 下第退居二首

年來還未上丹梯且著漁蓑謝故溪落盡梨花
春又了破籬殘雨晚鶯啼

未嘗青杏出長安豪士應疑怕牡丹祇有退耕
耕不得茫然村落水吹殘

下六十八

江宿聞蘆管

商船小
童善吹

塞曲淒清楚水濱聲聲吹出落梅春須知風月
千檣下亦有葫蘆河畔人

下六十九

閑題

舉世何人肯自知須逢精鑑定妍媸若教嫫母
臨明鏡也道不勞紅粉施

上五

曲江春草

花落江堤簇暖煙雨餘草色遠相連香輪莫輾
青青破留與愁人一醉眠

上六

雪中偶題

亂飄僧舍茶煙濕密灑歌樓酒力微江上晚來
堪畫處漁人披得一蓑歸

上七

題慈恩寺默公院

雖近曲江居古寺舊山終憶九華峰春來老病
厭迎送翦却牡丹栽野松

上八

江上阻風

水天春暗暮寒濃船閉蓬窗細雨中聞道漁家
酒初熟夜來翻喜打頭風

上四十七

上三十一

淮上與友人別

楊子江頭楊柳春楊花愁殺渡江人數聲風笛
離亭晚君向瀟湘我向秦

上四十一

上四十四

忍公小軒二首

松溪水色綠於松每到松溪到暮鐘閑得心源
祇如此問禪何必向雙峰
舊遊前事半埃塵多向林中結淨因一念一爐
香火裏後身唯願似師身

上卅二

上三十二

淮上漁者

白頭波上白頭翁家逐船移浦浦風一尺鱸魚
新釣得兒孫吹火荻花中

上卅三

上三十三

興州江館

向蜀還秦計未成寒蛩一夜繞牀鳴愁眠不穩
孤燈盡坐聽嘉陵江水聲

上九十九

上六十三

題無本上人小齋

寒寺唯應我訪師人稀境靜雪銷遲竹西落照
侵窻好堪惜歸時落照時

上四十九

上三十九

七祖院小山

小巧功成雨蘚斑
軒車日日扣松關
峨嵋咫尺無人去
却向僧窻看假山

中三十六

定水寺行香

聽松看畫繞虛廊
風拂金爐待賜香
丞相未來春雪密
暫偷閑卧老僧牀

下三十四

活溪

湛湛清江疊疊山
白雲白鳥在其間
漁翁醉睡又醒睡
誰道皇天最惜閑

下三十一

悶題

莫厭九衢塵土間
秋晴滿眼是南山
僧家未必

全無事道著訪僧心且閑

中三十一

重訪黃神谷策禪者

初塵芸閣辭禪閣
却訪支郎是老郎
我趣轉卑師趣靜
數峰秋雪一爐香

上九十二

上六十九

別脩覺寺無本上人

松上閑雲石上苔
自嫌歸去夕陽催
山門握手無他語
祇約今冬看雪來

上七十一

上六十四

贈日東鑒禪師

故國無心渡海潮
老禪方丈倚中條
夜深雨絕松堂靜
一點雨螢照寂寥

上四十二

上四十二

傳經院壁畫松

危根瘦盡聳孤峰珍重江僧好筆蹤得向遊人多處畫却勝澗底作真松

上二百

上六十一

高蟾先輩以詩筆相示抒成寄酬

時

張生故國三千里知者唯應杜紫微

杜牧舍人贈張祜處士云可憐

故國三千里虛唱歌詞滿六宮

君有君恩秋後葉可能更羨謝玄暉

蟾有後宮詞云君恩秋後葉日日向人疎也

宋本不載此篇 上七十一

上七十一

為人題

淚濕孤鸞曉鏡昏近來方解惜青春杏花楊柳年年好不忍迴看舊寫真

上二十六

上二十六

越鳥

背霜南鴈不到處倚棹北人初聽時梅雨滿江春草歇一聲聲在荔枝枝

中九十一

中九十一

黃鶯

春雲薄薄日輝輝宮樹煙深隔水飛應為能歌繫仙籍麻姑乞與女真衣

下三十五

下三十四

失鷺鷥

野格由來倦小池鷺飛却下碧江涯月昏風急何處宿秋岸蕭蕭黃葦枝

下四十七

下四十六

苔錢

春紅秋紫繞池臺箇箇圓如濟世財雨後無端
滿窮巷買花不得買愁來

中六

蓮葉

移舟水濺差差綠倚檻風搖柄柄香多謝浣溪
人不折雨中留得蓋鴛鴦

上六三

蜀中賞海棠

濃澹芳春滿蜀鄉半隨風雨斷鶯腸浣花溪上

堪惆悵子美無情為發揚

杜工部居兩蜀詩
集中無海棠之題

上四六

投所知

砌下芝蘭新滿徑門前桃李舊垂陰却應迴念

江邊草放出春煙一寸心

中十七

早入諫院二首

玉階春冷未催班暫拂塵衣就笏眠孤立小心
還自笑夢魂潛繞御爐煙

紫雲重疊抱春城廊下人稀唱漏聲偷得微吟
斜倚柱滿衣花露聽官鶯

中十三

忝官諫垣明日轉對

吾君英睿相君賢其那寰區未晏然明日翠華
春殿下不知何語可聞天

上六十四

再經南陽

平蕪漠漠失樓臺昔日遊人亂後來寥落牆仄
春欲暮燒殘官樹有花開

下十九

贈下第舉公

見君失意我惆悵記得當年落第情出去無慘
歸又悶花南慢打講鐘聲

下三十

春陰

推琴當酒度春陰不解謀生祇解吟舞蝶歌鶯
莫相試說老郎心是老僧心

上二十七

上十四

送張逸人

人間疎散更無人浪兀孤舟酒兀身蘆笋鱸魚

拋不得五陵珍重五湖春

下二十七

下二十七

初還京師寓止府署偶題屋壁

秋光不見舊亭臺四顧荒涼瓦礫堆火力不能
銷地力亂前黃菊眼前開

下二十九

下十六

擢第後入蜀經羅村路見海棠盛開偶
有題詠

上國休誇紅杏絕深溪自照綠苔磯一枝低帶
流鶯睡數片狂和舞蝶飛堪恨路長移不得可
無人與畫將歸手中已有新春桂多謝煙香更
入衣

次韻和禮部盧侍郎江上秋夕寓懷

望郎到處覺風生蜀郡留連亞相情

時中儀在瀘州恩門大夫待遇

優厚亂後江山悲庾信夜來煙月屬袁宏夢歸蘭省寒星動吟向莎洲宿鴛鴦未脫白衣頭半白叨陪屬和倍為榮

宜春再訪芳公言公幽齋寫懷叙事因

賦長言

入門長恐先師在香印紗燈似昔年澗路縈迴齋處遠松堂虛豁講聲圓頃為弟子曾同社今忝星郎更契緣顧渚當年一甌春有味中林話舊亦

潜然

上六

讀李白集

何事文星與酒星一時發待李先生高吟大醉三千首留著人間伴月明

中九十九

卷末偶題三首

一卷疎蕪一百篇名成未敢暫忘筌何如海日生殘夜一句能令萬古傳

七歲侍行湖外去岳陽樓上敢題詩如今寒晚無功業何以勝任國士知

一第由來是出身垂名俱為國風陳此生若不

下九十四

知騷雅孤宦如何作近臣

下九十四

讀前集二首

殷璠裁鑒英靈集頗覺同才得春深何事後來
高仲武品題間氣未公心

風騷如線不勝悲國步多艱即此時愛日滿堦
看古集祇應陶集是吾師

中七十三

中九十五

渚宮亂後作

鄉人來話亂離情淚滴殘陽問楚荆白社已應
無故老清江依舊繞空城高秋軍旅齊山樹昔
日漁家是野營牢落故居灰燼後黃花紫蔓上

上九

牆生

上九

鷓鴣

暖戲煙蕪錦翼齊品流應得近山雞雨昏青草
湖邊過花落黃陵廟裏啼遊子乍聞征袖濕佳
人纔唱翠眉低相呼相應湘江濶苦竹叢深春
日西

上三十一

上三十一

燕

年去年來來去忙春寒煙暝渡瀟湘低飛綠岸
和梅雨亂入紅樓揀杏梁閑扒硯中窺水淺落
花徑裏得泥香千言萬語無人會又逐流鶯過

短牆

上五十五

上四十六

侯家鷓鴣

江天梅雨濕江籬到處煙香是此時苦竹嶺無
歸去日海棠花落舊棲枝春宵思極蘭燈暗曉
月啼多錦幕垂唯有佳人憶南國殷勤為爾唱
愁詞

中四十八

中四十六

鴈

八月悲風九月霜蓼花紅澹葦條黃石頭城下
波搖影星子灣西雲間行鷺散漁家吹短笛失
羣征戍鎖殘陽故鄉聞爾亦惆悵何況扁舟非

故鄉

上四十八

上三十六

水

西蜀淨衆寺五題

竹院松廊分數派不空清泚亦透迤落花相逐
去何處幽鷺獨來無限時洗鉢老僧臨岸久釣
魚閑客捲綸遲晚晴一片連莎綠悔與滄浪有
舊期

海棠宋本後以龍局後

中三十七

海棠

春風用意勻顏色銷得攜觴與賦詩穠麗最宜
新著雨嬌饒全在欲開時莫愁粉黛臨窻懶梁
廣丹青點筆遲朝醉暮吟看不足羨他蝴蝶宿

深枝

下四

下四

竹

宜煙宜雨又宜風
拂水藏村復間松
移得蕭騷從遠寺
洗來疎淨見前峰
幽堦蘚折春芽迸
繞徑莎微夏蔭濃
無賴杏花多意緒
數枝穿翠好相容

下九十二

下九十二

荔枝樹

二京曾見畫圖中
數本芳菲色不同
孤棹今來巴徼外
一枝煙雨思無窮
夜郎城近含香瘴
杜宇巢低起暝風
腸斷渝瀘霜霰薄
不教葉似灞

陵紅

下五十一

下五十一

錦二首

布素豪家定不看
若無文彩入時難
紅迷天子帆邊日
紫奪星郎帳外蘭
春水濯來雲鴈活
夜機挑處雨燈寒
舞衣轉轉求新樣
不問亂離桑柘殘

文君手裏曙霞生
美号仍聞借蜀城
奪得始知袍更貴
著歸方覺晝偏榮
宮花顏色開時麗
池鳳毛衣浴後明
禮部郎官人所重
省中別占好窠名

中九十一

蠟燭

仙漏遲遲出建章宮簾不動透清光金闈露白
新裁詔畫閣春紅正試粧淚滴盃盤何所恨燼
飄蘭麝暗和香多情更有分明處照得歌塵下
燕梁

下十七

下十七

燈

雨向莎堦滴未休冷光孤恨兩悠悠船中聞鴈
洞庭宿牀下有蛩長信秋背照翠簾新灑別不
挑紅燼正含愁蕭蕭騷寒竹南窻靜一局閑碁為
爾留

上三十一

上三十一

宗人作尉唐昌官署幽勝而又博學精
富得以言談將欲他之留書屋壁

公堂蕭灑有林泉祗隔苔牆是渚田宗黨相親
離亂世春秋閑論戰爭年遠江鷺鷥來池口絕
頂歸雲過竹邊風雨夜長同一宿舊遊多共憶
樊川

上三十九

上四十六

為戶部李郎中與令季端公寓止渠州
江寺偶作寄獻

退居蕭灑寄禪關高掛朝簪淨室閒孤島雖留
雙鶴歇五雲爭放二龍閑輕舟共泛花邊水野

屐同登竹外山仙署金閨虛位久夜清應夢近
天顏

中五十六

中五十四

重陽日訪元秀上人

紅葉黃花秋景寬醉吟朝夕在樊川却嫌今日
登山俗且共高僧對榻眠別畫長懷吳寺壁宜
茶偏賞雪溪泉歸來童稚爭相笑何事無人與
酒船

下八十六

贈四明苗居士

此首已見前

歲晏樂園林維摩契道心江雲寒不散庭雪夜方深酒
共游人飲詩情稚子吟四郊多壘日勉我捨朝簪
雲臺編卷中

雲臺編卷下

都官郎中鄭谷守愚

下七十七

下七十六

闕下春日

建章宮殿紫雲飄春漏遲遲下絳霄綺陌暖風
嘶去馬粉廊初日照趨朝花經宿雨香難拾鶯
在豪家語更嬌秦楚年年有離別揚鞭揮袖灞
陵橋

下六十一

下六十二

贈劉神童

六歲及第

習讀在前生僧談足可明還家雖解喜登第未
知榮時果曾霑賜上召於便殿親試稱旨賜以果實春闈不掛情燈

前猶惡睡寤語讀書聲

下十三

下十三

遠遊

江湖猶足事食宿戍聲喧久客秋風起孤舟夜
浪翻鄉音離楚水廟貌入湘源岸濶鳥鷺小林
垂橘柚繁津官來有意漁者笑無言早晚酬僧
約中條有藥園

下十五

下十五

光化戊午年舉公見示省試春草碧色

詩偶賦是題

萋弘血染新含露滿江濱想得尋花徑應迷拾
翠人窻紗迎擁砌簪玉好成茵天借新晴色雲

饒落日春嵐光垂處合眉黛看時嚙願與仙桃
比無令惹路塵

中八

中四

江際

杳杳漁舟破暝煙疎疎蘆葦舊江天那堪流落
逢搖落可得潛然是偶然萬頃白波迷宿鷺一
林黃葉送殘蟬兵車未息年華促早晚閑吟向
滄川

中十一

中九

將之瀘郡旅次遂州遇裴晤真外謫居

於此話舊淒涼因寄二首

誰解登高問上玄謫仙何事謫詩仙雲渡列宿

離華省樹蔭澄江入野船黃鳥晚啼愁瘴雨青
梅早落中蠻煙不知幾首南行曲留與巴兒萬
古傳

昔年共照松溪影松折溪荒僧已無今日重思
錦城事雪銷花謝夢何殊亂離未定身俱老騷
雅全休道甚孤我拜師門更南去荔枝春熟向
渝瀘

中四七

中九三

次韻和秀上人長安寺居言懷寄渚宮
禪者

舊齋松老別多年香社人稀喪亂聞出寺祇知
趨內殿閉門長似在深山卧聽秦樹秋鐘斷吟
想荆江夕鳥還唯恐興來飛錫去老郎無路更
追攀

上十三

上十三

蜀中春日

海棠風外獨霑巾襟袖無端惹蜀塵和暖又逢
挑菜日寂寥未是探花人不嫌蟻酒衝愁肺却
憶漁蓑覆病身何事晚來微雨後錦江春學曲
江春

上四十五

上三十五

遊蜀

所向明知是暗投兩行清淚語前流雲橫新塞

中四十五
遊秦甸花落空山入閩州不念黃鸝曉夢唯
應杜宇信春愁梅黃麥綠無歸處可得漂漂愛
浪遊

中九十五
峽中嘗茶

簇簇新英摘露光小江園裏火煎嘗吳僧漫說
鴉山好蜀叟休誇鳥觜香合座半甌輕泛綠開
緘數片淺含黃鹿門病客不歸去酒渴更知春
味長

上六
輦下冬暮詠懷

永巷閑吟一徑蒿輕肥大笑事風騷煙含紫禁

上十一
花期近雪滿長安酒價高失路漸驚前計錯逢
僧更念此生勞十年春淚催衰颯羞向清流照
鬢毛

上十二
石城

石城昔為莫愁鄉莫愁魂散石城荒江人依舊
棹舫艫江岸還飛雙鴛鴦帆去帆來風浩渺花
開花落春悲涼煙濃草遠望不盡千古漢陽閑
夕陽

中八十五
蜀中三首

馬頭春向鹿頭關遠樹平蕪一望閑雪下文君

宋本在搖落
中七十一
二

沽酒市雲藏李白讀書山江樓客恨黃梅後村
洛人歌紫芋間堤月橋燈好時景漢庭無事不
征蠻

夜無多雨曉生塵草色嵐光日日新蒙頂茶畦
千點露浣花牋紙一溪春楊雄宅在唯喬木杜
甫墳荒絕舊鄰却共海棠花有約數年留滯不
歸人

渚遠江清碧簟紋小桃花繞薛濤墳朱橋直指
金門路粉堞高連玉壘雲窻下斷琴翹鳳足波
中濯錦散鷗羣子規夜夜啼巴樹不並吳鄉楚

國聞

上三十七

上二十四 少華甘露寺

石門蘿徑與天鄰雨檜風篁遠近聞飲澗鹿喧
雙派水上樓僧躡一梯雲孤煙薄暮關城沒遠
色初晴渭曲分長微然香來此宿北林猿鶴舊
同羣

上三十四

上四十五 慈恩寺偶題

往事悠悠添浩歎勞生擾擾竟何能故山巖晚
不歸去高塔晴來獨自登林下聽經秋苑鹿江
邊掃葉夕陽僧吟餘却起雙峰念曾看菴西瀑

布冰

下六十三

石門山泉

一脈清冷何所之
縈莎漱蘚入僧池
雲邊野客窮來處
石上寒猿見落時
聚沫繞壑殘雪在
迸流穿樹墮花隨
煙春雨晚閑吟去
不復遠尋皇子陂

法字填補

下六十四

下六十四

渭陽樓閑望

千重二華見皇州
望盡凝嵐即此樓
細雨不藏秦樹色
夕陽空照渭河流
後車寧見前車覆
今日難忘昨日憂
擾擾塵中猶未已
可能疏傳獨

能休

上三十九

上三十九

送田光

九陌低迷誰問我
五湖流浪可悲君
著書笑破蘇司業
賦詠思齊鄭廣文
理棹好攜三百首
阻風須飲幾十分
耒陽江口春山綠
慟哭應尋杜甫墳

中九

中九

送進士吳延保及第後南遊

得意却思尋舊跡
新銜未切向蘭臺
吟看秋草出關去
逢見故人隨計來
勝地昔年詩板在
清歌幾處郡筵開
江湖易有淹留興
莫待春風大

庾梅

中六十五

中七十四

送進士王駕下第歸蒲中

時行朝在西蜀

失意離愁春不知到家時是落花時孤單取事
休言命早晚逢人苦愛詩度塞風沙歸路遠傍
河桑柘舊居移應嗟我又巴江去遊子悠悠聽
子規

下六十五

下六十五

送進士潘為下第南歸

歸去宜春春水深麥秋梅雨過湘陰鄉園幾度
經狂寇桑柘誰家有舊林結綬位卑甘晚達登
龍心在且高吟灞陵橋上楊花裏酒滿芳樽淚

滿襟

上六十八

上六十四

送進士韋序赴舉

丹霞照上三清路瑞錦裁成五色毫波浪不能
隨世態鸞鳳應得入吾曹秋山晚水吟情遠雪
竹風松醉格高預想明年騰躍處龍津春碧浸
仙桃

下四十四

下四十三

寄獻狄右丞

逐勝偷閑向杜陵愛僧不愛紫衣僧身為醉客
思吟客官自中丞拜右丞殘月露垂朝闕蓋落
花風動宿齋燈孤單小諫漁舟在心戀清潭去

未能

下二十一

轉正郎後寄獻集賢相公

閏實

干名初在德門前屈指年來三十年自賀孤危
終際會別將流涕感階緣止陪鴛鴦居清秩濫
應星辰晚上玄平昔苦心何所恨受恩多是舊
詩篇

上二十六

上二十七

所知從事近藩偶有懷寄

官舍種莎僧對榻生涯如在舊山貧酒醒草檄
聞殘漏花落移厨送晚春水墨畫松清睡眼雲
霞仙斃掛吟身霜臺伏首思歸切莫把漁竿逐

逸人

上四十四

上三十四

獻大京兆薛常侍能

耻將官業競前途自愛篇章古不如一炷香新
開道院數坊人聚避朝車縱遊藉草花垂酒閑
卧臨窻燕拂書唯有明公賞新句秋風不敢憶
鱸魚

上五十三

上四十三

寄贈孫路處士

平生詩譽更誰過歸老東吳命若何知己凋零
垂白髮故園寥落近滄波酒醒蘚砌花陰轉病
起漁舟鷺跡多深入富春人不見閑門空掩半

庭莎

上六十二

上六十五

獻待詔楊舍人

為郡東吳祗飲冰
瑣闥頻降鳳書徵
隨行已有朱衣吏
伴直多招紫閣僧
窻下調琴鳴遠水
簾前睡鶴背秋燈
葦陂竹塢情無限
閑話毗陵問杜陵

中二十六

中三十一

次韻酬張補闕因寒食見寄之什

柳近清明翠縷長
多情右袞不相忘
開緘雖覩新篇麗
破鼻須聞冷酒香
時態懶隨人上下
花心甘被蝶分張
朝稀且莫輕春賞
勝事由來在

帝鄉

下八

下八

贈宗人前公安宰君

喧卑從宦出喧卑
別盡能琴又解碁
海上春耕因亂廢
年來冬薦得官遲
風中夜犬驚槐巷
月下寒驢齒槿籬
孤散恨無推唱路
耿懷吟得贈君詩

中三十五

中三十三

寄贈楊夔處士

結茅秖約釣魚臺
濺水鷓鴣去又迴
春卧甕邊聽酒熟
露吟庭際待花開
三江勝景遨遊徧
百氏羣書講貫來
國步未安風雅薄
可能高尚仰

天才

中二十六

寄同年禮部趙郎中

仙步徐徐整羽衣小儀澄澹轉中儀
樺飄紅燼趨朝路蘭縱清香宿省時
彩筆煙霞供不足綸闈鸞鳳訝來遲
自憐孤宦誰相念禱祝空吟一首詩

中十五

春暮詠懷寄集賢韋起居

寂寂風簾信自垂楊花笋籜正離披
長安一夜殘春雨右省二年老拾遺
坐看羣賢爭得路退量孤分且吟詩
五湖煙網非無意未去難忘國

士知

中六十

多情

賦分多情却自嗟蕭哀未必為年華
睡輕可忍風敲竹飲散那堪月在花
薄宦因循拋峴首故人流落向天涯
鶯春鴈夜長如此賴是幽居近酒家

中五十九

感懷投時相

非才偶忝直文昌兩鬢年深一鏡霜
待漏敢辭稱小吏立班由未出中行
孤吟馬跡拋槐陌遠夢漁竿擲葦鄉
丞相舊知為學苦更教何處貢

篇章

下十三 自貽

飲筵博席與心違野眺春吟更是誰琴有澗風
聲轉澹詩無僧字格還卑恨拋水國荷蓑雨貧
過長安櫻笋時頭角俊髦應指笑權門蹤跡獨
差池

下十六 自遣

強事宦途何足謂入微章句更難論誰知野性
真天性不扣權門扣道門窺硯晚鶯臨砌樹迸
堦春笋隔籬根朝迴何處消長日紫閣峰南有

舊村

下二十九 中年

漠漠秦雲澹澹天新年景象入中年情多最恨
花無語愁破方知酒有權苔色滿牆尋故第雨
聲一夜憶春田衰遲自喜添詩學更把前題改
數聯

下二十六 自適

紫陌奔馳不暫停送迎終日在郊坰年來鬢畔
未垂白雨後江頭且踞青浮蟻滿盃難暫捨貫
珠一曲莫辭聽春風祇有九十日可合花前半

鈞字補填

日醒

中三九

結綬鄆郊縻攝府署偶有自詠

鶯離寒谷士逢春釋褐來年暫種芸自笑老為
梅少府可堪貧攝鮑參軍酒醒往事多興念吟
苦鄰居必厭聞推却簿書搔短髮落花飛絮正
紛紛

中四九

漂泊

槿墜蓮疎池館清日光風緒澹無情鱸魚斫鱠
輸張翰橘樹呼奴羨李衡十口漂零猶寄食兩
川消息未休兵黃花催促重陽近何處登高望

二京

中三九

弔故禮部韋貞外序

臘雪初晴共舉盃便期携手上春臺高情唯怕
酒不滿長逝可悲花正開曉奠鶯啼殘漏在風
幃燕覓舊巢來杜陵芳草年年綠醉魄吟魂無
復迴

中五七

漢陂

昔事東流共不迴春深獨向漢陂來亂前別業
依稀在雨裏繁花寂寞開却展漁絲無野艇舊
題詩句沒蒼苔潛然四顧難消遣祇有佯狂泥

酒盃

下五十二

下四六

代秋扇詞

露入庭蕪恨已深。熱來天下是知音。汗流浹背
曾施力。氣爽中宵便負心。一片山溪從壺損。數
行文字任塵侵。綠槐陰合清和後。不會何顏又
見尋。

中六十六

中七十五

宣義里舍冬暮自貽

幽居不稱在長安。溝淺浮春岸。雪殘板屋漸移
方帶野水車。新入夜添寒。名如有分終須立道
若離心豈易寬。滿眼塵埃馳騫去。獨尋煙竹翦

漁竿

下三十三

下三十三

省中偶作

三轉郎曹自勉。旃莎階吟步。想前賢未如何。遜
無佳句若比馮唐。是壯年捧制名題黃紙尾。約
僧心在白雲邊。乳毛松雪春來好。直夜清閑且
學禪。

下六十七

下六十七

同志顧雲下第出京偶有寄勉

鳳策聯華是國華

顧雲著述目
為鳳策聯華

春來偶未上仙槎

鄉連南渡思菰米。淚滴東風避杏花。吟聒暮鶯
歸廟院。睡消遲日寄僧家。一般情緒應相信門

靜莎深樹影斜

下三十三

敷溪高士

敷溪南岸掩柴荆，掛却朝衣愛淨名。閑得林園栽樹法，喜聞兒姪讀書聲。眠窓日暖添幽夢，步野風清散酒醒。謫去微還何擾擾，片雲相伴看衰榮。

下二十五

九日偶懷寄左省張起居

令節爭歡我獨閑，荒臺盡日向晴山。渾無酒泛金英菊，漫道官趨玉笋班。深愧青莎迎野步，不堪紅葉照衰顏。羨君官重多吟興，醉帶朱陂落

南字補填

照還

中十四

春夕伴同年禮部趙員外省直

錦帳名郎重錦科，清宵寓直縱吟哦。冰含玉鏡春寒在，粉傅仙闈月色多。視草即應歸屬望，握蘭知道暫經過。流鶯百轉和殘漏，猶把芳樽藉露莎。

中十六

倦客

十年五年岐路中，千里萬里西復東。匹馬愁衝晚村雪，孤舟悶阻春江風。達士由來知道在，昔賢何必哭途窮。閑烹蘆笋炊菰米，會向源鄉作

醉翁

中二十五

温處士能畫鷺鷥以四韻換之

昔年吟醉繞江蘿愛把漁竿伴鷺鷥聞說小毫
能縱逸敢憑輕素寫幽竒洎洎浪濺殘菱蔓憂
憂風搜折葦枝得向曉窻閑掛翫雪蓑煙艇恨
無遺

東周一作河南下二十六

下二十六

駕部鄭郎中三十八丈尹貳東周榮加金

紫谷以末派之外恩舊事深因賀送

香浮玉陛曉辭天袍拂蒲茸稱少年郎署轉曹
雖久宦京河亞尹是優賢縱遊雲水無公事貴

買琴書有俸錢今日龍門看松雪探春明日向
平泉

中五十一

中五十三

歌枕

歌枕高眠日午春酒酣睡足最閑身明朝會得
窮通理未必輸他馬上人

中十三

中十三

野步

翠嵐迎步興何長笑領漁翁入醉鄉日暮渚田
微雨後鷺鷥閑暇稻花香

下四十一

下四十一

偶書

承時偷喜負明神務實那能得庇身不會蒼蒼

王何事忍飢多是力耕人

下七十四

下七十三

靜吟

騷雅荒涼我未安
月和餘雪夜吟寒
相門相客應相笑
得句勝於相得官

下七十五

下七十四

和知己秋日傷懷

流水歌聲共不迴
去年天氣舊亭臺
梁塵寂寞燕歸去
黃蜀葵花一朵開

按鈔本係以大字題目

下三十九

自貽

谷此歲受同年丈人故川守李侍郎教諭
衰晏龍鍾益用感歎遂以章句自貽

多感京河李丈人
童蒙受教便書紳
文章至竟無功業
名宦由來致苦辛
皎日還應知守道
平

生自信解甘貧孤單所得皆逾分
歸種敷溪一

畝春

中九十四

郊墅

韋曲樊川雨半晴
竹莊花院徧題名
畫成煙景垂楊色
滴破春愁壓酒聲
滿野紅塵誰得路
連天紫閣獨關情
羨陂水色澄於鏡
何必滄浪始濯纓

宋本在少挑篇後

中六十七

下七十六

下七十五

舟行

九派迢迢九月殘
舟人相語且相寬
村逢好處嫌風便
酒到醒來覺夜寒
蓼渚白波喧夏口
柿

園紅葉憶長安季鷹可是思鱸膾引退知時自古難

中三九

中三二

奔問三峰寓止近墅

去年奔走頗驚魂來謁行宮淚眼昏鴛鷺入朝同待漏牛羊送日獨歸村灞陵散失詩千首太華淒涼酒一樽兵革未休無異術不知何以受君恩

中五六

中五五

朝直

朝直叨居省閣間由來疎退枝安閑落花夜靜宮中漏微雨春寒廊下班自扣玄門齊寵辱從

他榮路用機關孤峰未得深歸去名畫偏求水墨山

中五二

巴江

時僖宗省方南梁

亂來奔走巴江濱愁客多於江徼人朝醉暮醉雪開霽一枝兩枝梅探春詔書罪己方哀痛鄉縣徵兵尚苦辛鬢禿又驚逢獻歲眼前渾不見文親

下四十五

下四十四

故許昌薛尚書能嘗為都官郎中後數

歲故建州李貞外頗自憲府內彈拜都官貞外八座外郎皆一時騷雅宗

師則都官之曹振盛於此子早年請
益實受深知今忝此官復是正秩豈
唯俯慰孤宦何以仰繼前賢榮惕在
衷遂賦自賀

都官雖未是名郎踐歷曾聞薛許昌復有李公
陪雅躅豈宜鄭子忝餘光榮爲後進趨蘭署喜
拂前題在粉牆八座外郎於省中題記多在他日節旄如可繼不
嫌曹冷在中行

中六十一

中六十一

訪題表兄王藻渭上別業

桑林搖落渭川西蓼水瀾瀾接稻泥幽檻靜來

漁唱遠暝天寒極鴈行低濁醪最稱看山醉冷
句偏宜選竹題中表人稀離亂後花時莫惜重
相攜

中六十二

題汝州從事廳

詩人公署如山舍祇向堦前便採薇驚燕拂簾
閑睡覺落花沾硯會飡歸壁看舊記官多達榜
掛明文吏莫違自說小池栽葦後雨涼頻見鷺
鷺飛

宋本在嘉陵屬後中三六

中三十七

谷初忝諫垣今憲長薛公方在西閣知
獎隆異以四韻代述榮感

舊詩常得在高吟不奈公心愛苦心道自瑣闡

言下振合人於閣下衆中恩從仙殿對迴深谷累陪合口人轉對偶免乖

儀舍口人深以知獎也流年漸覺霜欺鬢至藥能教土化金自

拂青萍知有地齋誠旦夕望為霖

下三十五 兵部盧郎中光濟借示詩集以四韻謝之

七子風騷尋失主五君歌誦久無聲調和雅樂

歸時正澄瀨頽波到底清才大始知寰宇窄吟

高何止鬼神驚葉公好尚渾疎濶忽見真龍幾

喪明

中三十四 賀左省新除韋拾遺

初昇諫署是真仙浪透桃花恰五年垂白郎官

居座未著緋人吏立階前百寮班列趨丹陛兩

掖風清上碧天從此追飛何處去金鑾殿與玉

堂連

中三十四 右省張補闕茂樞相同在諫垣連居光德

新春賦詠聊以寄懷

小梅零落雪欺殘浩蕩窮愁豈易寬唯有朗吟若

償晚景且無濃醉厭春寒高齋每喜追攀近麗

句先憂屬和難十五年前諳苦節知心不獨為

同官

右省張補闕茂樞同在諫垣鄰居光德

迭和篇什未嘗間時忽見貽謂谷將

來履歷必在文昌當與何水部宋考

功為儔谷雖賦於風雅實用兢惶因

抒酬寄

何宋清名動粉闈不才今日偶陳詩考功豈敢

聞題品水部猶須繫挈維積雪巷深酬唱夜落

花牆隔笑言時紫垣名士推揚切為話心孤倍

感知

紫微薛公獎譽頗深補袞即紫微中表嘗傳重旨故有此句

寄職方李員外

曾袖篇章謁長卿今來附鳳事何榮星臨南省

陪仙步春滿東朝接珮聲

員外攝事儲官谷忝獲攀接

談笑不拘

先後禮歲寒仍契子孫情龍墀仗下天街暖共

看圭峰並馬行

寄題詩僧秀公

靈一心傳清塞心可公吟後楚公吟近來雅道

相親少唯仰吾師所得深好句未停無暇日舊

山歸老有東林冷曹孤宦甘寥落多謝攜筇數

訪尋

東蜀春晚

如此浮生更別離，可堪長慟送春歸。
潼江水上楊花雪，剛逐孤舟繚繞飛。

中五十一

永日有懷

能消永日是，擣菘坑塹由來似宦途。
兩擲未離捷檝內，座中何惜爲呼盧。

中五十二

槐花

粃粃金葢撲晴空，舉子魂驚落照中。
今日老郎猶有恨，昔年相虐十秋風。

中五十三

小桃

和煙和雨遮敷水，映竹映村連灞橋。
撩亂春風

下九

耐寒冷到頭，贏得杏花嬌。

下九

長江縣經賈島墓

水繞荒墳縣路斜，耕人訝我久咨嗟。
重來兼恐無尋處，落日風吹鼓子花。

中九十六

嘉陵

細雨濕萋萋，人稀江日西。
春愁腸已斷，不在子規啼。

中九十七

中秋

清香聞曉蓮，水國雨餘天。
天氣正得所，客心剛悄然。
亂兵何日息，故老幾人全。
此際難消遣，從

來未學禪

中七十七 朝謁

捧日整朝簪，千官一片心。
班趨黃道急，殿接紫宸深。
威鳳迴香屐，新鶯轉上林。
小松含瑞露，春翠易成陰。

武德殿前新栽小松

中七十八 錦浦

流落夜淒淒，春寒錦浦西。
不甘花逐水，可惜雪成泥。
病眼嫌燈近，離腸賴酒迷。
憑君囑鷓鴣，莫向五更啼。

中七十九 峨嵋山

萬仞白雲端，經春雪未殘。
夏消江峽滿，晴照蜀樓寒。
造境知僧熟，歸林認鶴難。
會須朝闕去，祇有畫圖看。

中八十 蜀江有弔

孟子有良策，惜哉今已而。
徒將心體國，不識道消時。
折檻未爲切，沉湘何足悲。
蒼蒼無問處，煙雨徧江蘼。

中八十一 書村叟壁

草肥朝牧牛，桑綠晚鳴鳩。
列岫簷前見，清泉碓下流。
春蔬和雨割，社酒向花篘。
引我南陂去，籬

邊有小舟

上三六

上三十七

題進士王駕郊居

前山微有雨，水巷淨無塵。
牛卧籬陰晚，鳩鳴村意春。
時浮應寡合，道在不嫌貧。
後徑臨陂水，菰蒲是切鄰。

上三十七

上三十九

題莊嚴寺休公院

秋深庭色好，紅葉間青松。
病客殊無著，吾師甚見容。
疎鐘和細溜，高塔等遙峰。
未省求名侶，頻於此地逢。

上六

上六十五

題興善寺

寺在帝城陰，清虛勝二林。
蘚侵隋畫暗，茶助越甌深。
巢鶴和鐘唳，詩僧倚錫吟。
煙莎後池水，前

跡杳難尋

十才子詩集多有興善寺後池之作，今寺在池無，每用追歎。

上六十一

上六十三

宿澄泉蘭若

山半古招提，空林雪月迷。
亂流分石上，斜漢在松西。
雲集寒菴宿，猿先曉磬啼。
此心如了了，即此是曹溪。

中七十

送舉子下第東歸

夫子道何孤，青雲未得途。
詩書難捨魯，山水暫遊吳。
野綠梅陰重，江春浪勢麤。
秣陵兵役後，舊

業半成蕪

中十 寄察院李侍御文炬

古栢間疎篁清陰在印牀宿郊處點饌秋寺靜
監香參集行多揖風儀見即莊佇聞橫擘去惟
集諫書囊

中六 偶懷寄臺院孫端公祭

才拙道仍孤無何捨釣徒班雖沾玉笋香不近
金爐雨露瞻雙闕煙波隔五湖唯君應見念曾

共伏青蒲 谷舊與端公同在諫垣

中七 次韻和秀上人遊南五臺

中峰曾到處題記沒蒼苔振錫傳深谷翻經想
舊臺苑松臨砌偃驚鹿驀溪來內殿評詩切師

文章應制身迴心未迴

中李 乖慵

乖慵居竹裏涼冷卧池東一霎芰荷雨幾迴簾
幕風遠僧來扣寂小吏笑書空哀鬢霜供白愁
顏酒借紅扇輕搖鷺羽屏古畫漁翁自得無端
趣琴碁舫子中

中四 南宮寓直

寓直事非輕宦孤憂且榮制承黃紙重詞見紫

垣清曉霽庭松色風和禁漏聲僧攜新茗伴吏
掃落花迎鎖印詩心動垂簾睡思生粉廊曾試
處直事稍暇即於都堂四廊
下尋頃年試題所記多在石柱昔賢名來誤宮窻燕
啼疑苑樹鶯殘陽應更好歸促恨嚴城

中三
恩門小諫雨中乞菊栽

握蘭將滿歲栽菊伴吟詩老去慵趨世朝迴獨
繞籬迤香風細細澆綠水瀾瀾祗共山僧賞何
當國士移孤根深有託微雨正相宜更待金英
發憑君插一枝

中三
荆渚八月十五日夜值雨寄同年李嶼

共待輝光夜翻成暗澹秋正宜清路望潛起滴
堦愁棹倚素宏渚簾垂庾亮樓桂無香實落蘭
有露花休玉漏添蕭索金樽阻獻酬明年佳景
在相約向神州

中六
寄左省張起居

含香復記言清秩稱當年點筆非常筆朝天最
近天家聲三相後公事一人前詩句江郎伏書

蹤竊氏傳

起居今太師盧公
宅相傳授書法

風標欺鷲鶴才力湧沙

泉居僻貧無慮名高退更堅漁舟思靜泛僧榻
寄閑眠消息當彌入絲綸的粲然依棲常接跡

屬和舊盈編開口人皆信淒涼是謝檀今在舉場時與起居有恩也

前寄左省張起居自言尋蒙唱酬見

譽過實却用舊韻重答

減瘦經多難憂傷集晚年吟高風過樹坐久夜

涼天旅退慙隨衆孤飛怯向前釣朋蓑叟在藥

術衲僧傳鬢禿趨榮路腸焦鄙盜泉品徒誠有

隔推唱意何堅寒地殊知感秋燈耿不眠從來

甘默爾自此倍怡然蘭為官須握蒲蒲因學更編

預愁播落後子美笑無羶杜工部贈鄭廣文詩云科名四十年座客寒無羶

讀故許昌薛尚書詩集

篇篇高且真真為國風陳澹薄雖師古縱橫得

意新翦裁成幾篋近世詩人述作公篇什最多唱和是誰人華岳

題無敵黃河句絕倫華岳黃河二詩序云此皆二京之內臣題自序不責不負吟殘

荔枝雨詠徹海棠春公有海棠荔枝二首序云杜子美老於兩蜀而無此詠李白

欺前輩公有寄符郎中詩云我生若在開元日爭遣名為李翰林陶潛仰後塵公有論詩一章

難忘嵩室下公有嵩山巨篇不負蜀江濱公嘗從事蜀中

屬思看山眼冥搜倚樹身楷模勞夢想諷

誦爽精神落筆空追愴曾蒙借斧斤

明蓋格鈔本雪堂編三卷何義門手校金冬心題義子三月抄得之上海書曾陳韞山是百余山買舟行數日自甯甯來強余至旅舍觀書因拾得此種抱書疾行回埠而舟已散矣後四日乃得故所甲寅十月校竟即記於此以見余嗜書之癖

雲臺編卷下

臨爽醉軒茗筆空並創曾業昔余不

干集 蠶思香山思其對尚樹良昔對榮夢賦

國繁固不既 鑿志嵩室下 山曰嵩 不負置云實 車留中

棋前輩 奔開元日華畫各為李舖林 國香吟新聖 精一章

蒸林雨宿嬌愛棠春 千集林外兩羅而無地精 李白

醜無嫡黃何何餘倫 京之內曰醜自其不貴不負 今矣

意謙尊羨丸炎對 公蘇什類 冒味長指入華岳

篇篇高且真真為國風刺歌藪誰唱古燄黃軒